



Tru Buli Bif bilong PNG Stret!


## TOP-UP & WIN YOUR DREAM CAR



Worth of **K25,000** every month

\*Check in-store Posters for more details



347 Customer Care Call 345 6789 or www.telikompng.com.pg



## 3G+

NOW IN TABUBIL & POPONDETTA

Enjoy the best 3G network coverage from Digicel now in Popondetta & Tabubil

SCAN HERE

Join Digicel Today!  
www.digicelpng.com

# Digicel

PNG's Bigger, Better Network.

## Tingim Ista

**PAM SANDE BLESING:**  
Wanpela bikpela pestode bilong ol Kristen Sios long wol na PNG tu, em Pam Sande we ol sios i bin selebretim long las wik. Pater Mathew bilong Sen Charles Lwanga Katolik Peris long Gerehu insait long Nesenel Kapitel Distrik i blesim pipel na ol han na lip pam long stat bilong sios sevis.  
POTO: NICKY BERNARD.  
Misa show long Pes III.



Sabina's Corner **Pes 4 na 5**



## KLOSTU NAU!

Yu... enrot tu?

# 22

De moa...



**Enrol NAU!!**



# Gavman yusim nupela loa

Injia na Kirriwom strong yet

Aja Alex Potabe i raitim  
GAVMAN i yusim namba long floa bilong palamen long yusim dispela nupela Judisal Kondak Loa long kotim na rausim Sif

Jastis Sir Salamo Injia na Jastis Nicholas Kirriwom na stopim tupela long harim Suprim Kot Spesol Refrens namba wan na namba tu bilong 2012 (SCR 1 & 2 of 2012) bilong painimaut sapos

gavman bilong Peter O'Neill o Gren Sif Sir Michael Somare em i tru tru gavman aninit long Mama Loa.

*i go moa long pes 2*

## OX & PALM BRAND

# True Buli Bif Bilong PNG.

NET WEIGHT 340g, NET WEIGHT 200g





## NCD na Sentral redi long Ilekseen

OL BIK manmeri bilong polis na Ilek-toral Komisen i redim ol yet long ilekseen long dispela yia.

Long wik i go pinis, olgeta provinsal polis komanda na ol ilekseen menesa, wantaim namba tu bilong ol, i kam long wanpela bung bilong long Pot Mosbi long redim ol bipo long taim bilong ilekseen i kirap. **Poto Nicky Bernard.**

# ENB pipel bungim hevi bi-19-pela yut promis long lusim spak brus long ren

**Michael Novingu i raitim**

PLANTI famili long ol hap bilong Is Nu Briten i nogat haus long slip, na nogat kaikai bikos hevi ren stat long las wik i bagarapim ol haus na gaden kaikai bilong ol.

Ol ples i kisim taim nogut long hevi ren em, Warangoi, Kerevat, Vunapalading, na Not Baining insait long Gesel Distrik.

Ol pipel bilong Matupit Ailan i stap long Sikut Setelmen tu i kisim taim nogut long hevi ren i kamapim tait wara. Samting olsem 2-pela mita i go antap i go insait long haus bilong ol,

na bagarapim gaden kaikai.

Ol pipel long ol dispela hap i kisim taim nogut, nogat kaikai na haus bilong slip i wetim ol gavman opis long givim helpim long ol.

Moses Fuholi, wanpela komyuniti lidaman long Warapukpuk long Not Baining, i tokim *Wantok Niuspepa* olsem bikpela taitwara i solap i go antap, brukim bris long wara Tovalul, i stopim PMV trak long i go Kokopo long mekim bisnis bilong ol.

Fuholi i tok, Warapukpuk tu i solap i go antap brukim haus bilong em, karim ol samting bilong em. Em i tok, ol gaden

kaikai tu taitwara i bagarapim; long Kerevat kampani i save wokim sop, kuing oil, Tropic Frond, tait wara Kerevat i karim ol tupela kontena bilong ol i go daun long wara Kerevat.

Warangoi wara tu i solap i go antap las wiken na brukim bris, bagarapim ol haus gaden kaikai bilong ol pipel is tap long dispela hap.

Long Kerevat ol kar, manmeri i save go kam long Kerevat, haus kalabus, Vudal Yunivesiti, Not Baining inap kalapim Kerevat wara bikos wara i go antap long Bris long las wiken.

Planti manmeri i wet i stap long tupela sait wantaim inap 7-kilok nait, bihain taitwara i go na ol i yusim bris long go long ol hap bilong ol.

Bikpela win tu kirap long hap bilong Napapar i brukim daun ol pawa lain we, ken kilim i dai ol manmeri. Polis i go long ol dispela hap we hevi ren taitwara i bagarapim ol long lusim hap ol i sindaun long en, long go painim gutpela hap long sindaun long en.

*Wantok Niuspepa* i go long ol hap we taitwara i bagarapim ol haus, gaden kaikai, ol pipel i nidim helpim long kamapim gutpela sindaun bilong ol.

## 19-pela yut promis long lusim spak brus

NAINTIN (19) yuts long Viviran ples wodi long Toma Vunadidir LLG long Gesel Distrik long Is Nu Briten i promis long lusim pasin bilong groim, salim, na smukim spak brus long Komyuniti bilong ol.

Ol i kisim ol spak brus, ol samting bilong groim wantaim sampela spak brus i go long komyuniti haus bilong ol las wik.

Ol yut i tok sori long pasin nogut ol i mekim long ol papamama wantaim ol komyuniti bilong ol. Bipo polisman Joel Siel i go pas long givim gutpela tingting long ol yut long lusim pasin nogut long kamap gutpela manmeri long komyuniti bilong ol.

Siel i tok, wok bilong kisim salim spak brus ol i statim long 2009 we ol i kisim saplai bilong ol long olpela Kokopo Maket.

Em i tok, ol i gat netwok bilong ol i stap long Kokopo, ol kisim spak brus i go bek long ples bilong ol long salim kisim mani long lukautim sindaun bilong ol na sampela ol planim long yusim long bihain taim.

Ol yut i tok, ol i smukim spak brus long strongim ol long wokim wok long katim kras, wok kopra, na kakao. Moa yet, ol i tok spak brus bai mekim tingting bilong ol i kamap strong na gutpela, tasol ol i no save long nogut bilong em long bihain taim.

# Injia na Kirriwom strong yet

**I kam long pes 1**

Taim harim bilong dispela refrens i stat aste apinun bihain long ol loya bilong gavman i bin failim aplikesen pepa bilong rausim Sif Jastis, Sir Salamo Injia na Jastis Nicholas Kirriwom long Suprim Kot bens o sia long harim dispela spesol tupela refrens, Lida bilong Gavman Bisnis na Mema bilong Esa'ala, Moses Maladina, i muvim mosen aste long salim Sir Salamo na Jastis Kirriwom i go long Gavana Jeneral long makim wanpela traibunal long kotim tupela.

Taim ol sivil sosaiti grup, ol yuni sumatin, ol loya na moa manmeri i no wanbel long dispela loa, na ol i ting tru tru gavman bai larim Konstitusenel na Loa Rifom Komisen long kisim ting ting

bilong moa manmeri, palamen i vot pinis long salim Injia na Kirriwom i go sanap long traibunal aninit long dispela nupela loa bihain long Spika Jeffery Nape i givim tok orait hap aste long kamapim dispela loa i wok long kantri.

Harim bilong dispela spesol refrens i nap kamap insait long 4-pela de na pinis nau wantaim laspela disisen, tasol bihain long traिम bilong ol loya bilong gavman long rausim Sir Salamo na Jastis Kirriwom i abrus, harim bilong painimaut long dispela bikpela asua bilong Mama Loa i go het pinis aste apinun na i luk olsem em bai pinis long Ista Wiken.

Sir Salamo, Deputi Sif Jastis, Gibbs Salika, Jastis

Berard Sakora, Jastis Kirriwom, na Jastis Les Gavara-Nanu bai harim dispela spesol refrens.

Taim harim bilong dispela tupela spesol refrens i bin stat long dispela wik Mande, Tiffany Twivey, loya bilong Atoni-Jeneral na Jastis Minista, Dokta Allan Marat, i bin failim wanpela aplikesen bilong rausim Jastis Kirriwom bikos long wanpela memo o pas em i bin raitim i go long ol arapela brata jas bilong Suprim na Nesenel Kot long pait agensim palamen.

Twivey i bin makim haus bilong Dokta Marat na tokim kot olsem dispela memo i ken mekim stretpela wok bilong jas long mekim trupela disisen i go karangi o wansait, na tu ol pipel bai kisim rong tingting taim Jastis Kir-

riwom i givimaut disisen bilong en long dispela refrens bikos dispela memo bilong en i tok long pait agensim palamen.

Em i bin failim narapela aplikesen tu long rausim Sir Salamo bikos kabinet i bin tingting long rausim wok bilong en olsem jas long mun Novemba las yia, na nogut dispela i kamapim disisen bilong kot i go karangi o wansait.

Olsem na long larim gutpela nem bilong kot i stap yet, Twivey i tok, em i laikim Sir Salamo long lusim sia bilong kot na larim ol arapela jas i harim dispela refrens.

Tasol Sir Salamo na Jastis Kirriwom i bin tok nogat long lusim sia bilong

kot long harim dispela spesol refrens, bikos Dokta Marat i no bin autim tingting bilong en yet stret long tokaut olsem wanem disisen bilong tupela bai go karangi o wansait, tasol ol dispela toktok i ting ting bilong Twivey em yet tasol.

Jastis Kirriwom, husat i bin stap loya inapim 30-pela yia na stap jas inapim 15-pela yia, i tok em bai nonap tok em i raitim dispela memo o em i no raitim dispela memo bikos man husat i stilim dispela samting na putim long websait 'pngexposed' i no bin kisim tok orait long opis bilong en.

Na tu em i tok planti samting i stap long dispela memo o pas i giaman samting long bagarapim nem bilong en, bikos em i nogat

wanpela pasin poroman wantaim wanpela politikel pati, memba bilong palamen, o wanpela man husat i wanpela intavina bilong dispela spesol refrens.

Ol loya bilong gavman sait i bin sapotim Twivey long rausim tupela tasol, ol loya long sait bilong Sir Michael Somare i bin tok nogat long rausim tupela long sia bilong Suprim Kot.

Wankain taim, loya bilong Sir Michael Somare, Kerenga Kua, i failim wanpela nupela aplikesen bilong stopim palamen long givim laspela tok orait long larim kantri i bihainim nupela loa bilong was long ol jas o dispela Judisal Konkordak Act 2012, we moa manmeri i go agensim dispela loa.





**PRESEN BILONG YU:** Liklik Peni Lohani, 7-pela krismas bilong em, i givim wanpela liklik lakatoi kantu presen long Minista bilong Plening Sam Basil taim em na ol pleslain bilong em long Barakau i kam danis tumbuna long makim tokaut bilong namba wan ripot bilong senses. **POTO: Nicky Bernard.**

# PNG manmeri mak abrusim 7 milian

NAMBA bilong ol manmeri long kantri, i abrusim pinis mak bilong 7 milian.

Dispela ol namba, em Nesenel Statistikal Opis (NSO) i bin autim olsem ol namba wan hap namba bihainim nesenel senses o wok kaunim i kamap long 2011.

Ol bikpela namba storori bilong kantri i sindaun olsem:

**Olgeta manmeri long kantri: 7,059,653**  
Ol man: 3,663,249  
Ol meri:

3,396,404

**Long Wanwan Rijen:**  
Sauten 1,302,887  
Hailans 3,001,598  
Momase 1,795,474  
Ailans 959,694

NSO i tokaut olsem namba bilong ol manmeri long kantri i wok long groa inap long 2.8% olgeta yia.

2011 Nesenel Populesen na Hausing Senses em i namba 4 senses wok progrem i kamap long kantri.  
Laspela wok kaunim i bin kamap long 2000.

**BANK WITH A REAL BANK!**

**CASH OUT**

**CHEAPER**

**SECURE, CONVENIENT, & EASY**

**231 LOCATIONS & GROWING**

**SAFER**

**PRE-PAID TOP UPS**



## BSP ATM EVERYWHERE

**The Leading Bank of the South Pacific**

### Now Open

- ✓ Kokopo Market x2
- ✓ Mt. Hagen, NBC x3
- ✓ Lae PNG Ports x1
- ✓ Mt. Hagen General Hospital x1



For more information on how to bank more conveniently talk to us anytime 24/7. Call 320 1212

**Niupela Maggi MagicTeist**

Wanpela kain kuring pauda

**Bai givim BEST teist long kainkain kuk**

# The uncertain times ahead

**S**O, now we have another shocker from Peter O'Neill and Co, and it is business as usual until the public voice their dissent.

The young men and women from UPNG must be our heroes and heroines for showing courage, determination and their commitment to the cause, when they held up their hands and marched through armed blockades by Moresby's finest, who are now being used as if they were members of a private in-house security firm.

And Dr Allan Marat, the Minister for Justice and the Attorney General, seems to have become so parochial as to suggest that the march by students was the product of Engan students in efforts to protect their wantok, the Chief Justice. What a simoleon Dr Marat must be? Is that how far his mental faculty helped him to deduce from the whole matter starting with his Judicial Conduct Bill? If this is the calibre of Dr Marat, then little wonder that Peter O'Neill and Belden Namah are in trouble with the Law. Their captain does not know his own field of expertise.

Yes, the motive behind the Bill was clearly to outlaw a number of Judges who will not be intimidated so easily from their constitutional offices as Judges of the Independent State of Papua New Guinea.

Let us face the truth. Our Judges, just like all other Judges, do not have a private police force like O'Neill and Namah to do their dirty job. They do not own a private army like these two gentlemen. They can order any call-out at will, and they do not have access to the National Treasury to buy political support like Namah and O'Neill can.

What the Judges rely on as a means of cohesion for their Orders, is "respect" characterized by their schooling in the law, their performance at the bar, their good character generally, their personal integrity and finally, the dignity of the office of a Judge. And with that come other legal procedures for enforcement of the Orders.

Where there is an open and hostile attack on the integrity of a Judge, then all he is left with to use, is the contempt provision in the law to protect his office, and no more.



Sabina's Corner

And why should O'Neill and Namah be so paranoiac about punishing Judges who are powerless, but are still performing their constitutional duties without fear or favour? That's anybody's guess.

Our Judges are not responsible for this rot which has settled in Papua New Guinea since Independence.

You want to search out the real culprits in the short history of PNG, then such culprits must include Sir Michael, Sir Julius, Sir Mekere, Pius Wingti, Sir Rabbie and long time politicians like Bart Philemon, who have served under these hopeless Prime Ministers who were there only for themselves and their associates, and not the bulk of the population.

'Leave our Judges alone' is the message the University students have undertaken to convey to the politicians, and we congratulate them for their stance on the issue.

You have made us proud, and put to shame such "human rights lawyers" like Powes Parkop and other lawyers in the government like Allan Marat, Francis Awesa, and Moses Maladina.

The Judicial Conduct Bill is not an attempt to fill any assumed gap in the law on bias.

Thus, any lawyer who was responsible for the advice, or the actual drafting of this piece of horse manure, is not worthy of the noble profession of lawyering.

He, or she, is a coward and a political boot-legger.

And if such a lawyer carries on with this form of conduct they will end up with a hump back from licking the politician's boots.

We suggest that the UPNG Law School introduces a new subject called, "How to Lick Politicians' Boots and Suck their Toes", in their future Study Program.

And we suggest that they invite Dr Marat, LLB; LLM; PhD, as the first Chair to direct that and other associated courses

for their Law Degree at UPNG.

The law on bias is not a developing field of law. It is one of those well established fields of administrative law in the common law countries which have adopted the English law as the foundation of their legal system. The law on bias was borrowed by the Common Law Courts from the Ecclesiastical Courts which was responsible for the notion that no man should sit in judgment over his own cause.

And this notion has had two parts, namely, that a Judge sitting over a matter should not have a *personal interest* in the matter before him; and secondly, if he has no such interest then he must not have openly expressed his views in opposition to the subject matter of the proceedings then before him. The law required that in either case, the Judge must decline from the case and allow some other Judge to adjudicate.

And these are the 17<sup>th</sup> to 18<sup>th</sup> century concepts which have over the years fully developed to where the law on bias is now at.

Now it is no longer whether there is actual bias or not. The law is now whether there was likelihood of bias or whether there is a reasonable suspicion of bias. This is now a well established principle of law with necessary legal outcome should a Judge breach the Law.

Thus, we should ask Mr O'Neill and his Attorney General, Dr. Allan Marat: 'What major principle of law is now embodied in the recent judicial conduct bill?'

This Bill has not introduced anything new to the substantive law on bias. What it has done is to throw the entire law on bias into oblivion. It has opened up a can of worms and knowing what we Papua New Guineans are like, this Bill has created a new problem for us on a major scale, namely, the problem of "forum shopping" a well known principle of law in the field of private international law.

That is, every man and his dog will be going in and out of Court Rooms looking for a more sympathetic Judge or jury whereby he can be assured of winning.

Now our court rooms will turn into the kind of drama the American Courts are known for in jury selections.

However, the bigger and the

more sinister element in the Bill is the requirement under Section 5 (2) which reads as follows:-

"(2) *If it appears to Parliament that a Judge has failed to disqualify himself pursuant to subsection (1) or has influenced a proceeding contrary to subsection (1), Parliament by way of a motion may refer the Judge concerned to the Head of State to appoint a Tribunal to investigate the breach of subsection (1) and provide a report to Parliament or may refer the matter to another Authority for an appropriate course of action.*"

The first problem with the above law is the question: "How will Parliament become seized of the matter of bias by a Judge?"

Will a private litigant resort to Parliament if he feels that a Judge is biased and if so what are the procedures to follow in taking the matter to parliament? And if this course of action is followed by a litigant, then what about the legal remedies available to him in the normal course of events? Are these abandoned in favour of this nonsense under the Bill? If not, then what are we doing here, and where are we heading with this Bill?

There are far too many uncertainties with this Bill.

It is not a well thought out and presented piece of legislation.

One look at the Bill will tell any layman that the Bill was prepared in haste and without any legal thought necessary to work out a number of important points, namely; is parliament now entering the field restricted to the judiciary and if so, what is now the extent to which the theory of separation of powers has been eroded by this Bill; and secondly, what is the primary objective that parliament has in mind in bringing about this Bill?

There are far too many questions to ask regarding this Bill that if it is put into force, one doubts if decent lawyers will succumb to the temptation to adopt the nonsensical this piece of ill-thought and advised legislation.

And what is Somare up to these days? He is now very quick to shout, "wolf, wolf" every time O'Neill and Namah come up with their own surprises like the above Bill on Judicial Conduct. And then he attacks the Ombudsman Commission for silence over the Bill and he appears all "paranoia" about this small piece of legislation.

Obviously, Somare has a

memory problem. He cannot recall that immediately before he left for Singapore on his medical holiday, he was responsible for that amendment of the law whereby the powers of the OC was curtailed and the Ombudsman Committee under Maladina took over the matter of supervision and control of the Commission. And then Sir Michael gave us that amendment of the Environmental Law, taking away the rights of the landowners to take development companies to court over environmental damages. Thanks to O'Neill and Namah, this law has now been repealed. Somare, you nogat sem tru!

And now Sir Michael would like us believe that he is the great champion of the people and their rights. Go away Somare and get lost. You are a lost cause. We the people have trusted you over the years and what have you left us and our children to treasure in the generation to come? Nothing!

You were too busy building up a little empire of your own using public money. You were building up a likklik dynasty and in so doing, getting yourself surrounded by families and associates. Even within the NEC you had your little "inner circle of advisors" captained by none other than "the artful dodger", Arthur the Somare. Forget the country; just take a look at what you have done for your own Province of ESP. You did nothing!

It is a fat zero and yet year in and year out these people closed their mind to your lack of support and kept voting for you for such an extent of time that you started to look upon returning every five years as if it was a matter of right bestowed on by some divined providence. You are a sick man. That is for sure.

And now that it is O'Neill and Namah taking their turn to rape the country and empty the till, you are shouting, "wolf, wolf!". Wanem? Yu tasol bai kaikai? Tupela em man tu hia. Na yu ken pasim maus.

You, Sir Michael, lack the legitimacy to speak for the very people that you have exploited during your terms of office.

In 6 months after taking office these two gave the people free health and free education. That is not too bad a record. And what is yours in 40 years of governance? Zero balance!



# Tumora bai olsem wanem?

**O**RAIT, nau mipela i lukim narapela bikpela birua i kam long Peter O'Neill na ol boi bilong em, na em i olsem tasol inap pablik i autim kros bilong ol.

Ol yangpela man na meri bilong UPNG em ol hiro bilong mipela bikos ol i soim strongpela bel na tingting na holim han taim ol i mas i go abrusim ol polisman i holim gan. Ol polisman i kamap olsem praivet sekuriti gad gen.

Na Dokta Allan Marat, Minista bilong Jastis na Atoni Jeneral, i wok tok olsem dispela ma sol sumatin i mekim em i kamap long ol Enga sumatin long traim strongim wantok bilong ol Sif Jastis. Em wanem kain toktok ya? Save bilong em i arere tasol bai em i mekim dispela toktok long traim kliarim dispela Judisal Kondak Bil? Sapos em i mak bilong save bilong em, orait, i mas tru, bikos Peter O'Neill na Belden Namah i wok long stap long hot sup klostu klostu.

Em nau, as bilong dispela Bil em i klia. Em bilong rausim ol jas husat i no surik long wok bilong ol olsem ol Jas bilong Indipenden Stet bilong Papua Niugini.

Yumi mas tok stret. Ol jas bilong yumi, wankain olsem olgeta arapela jas, i nogat wanpela praivet polis fos long mekim ol hait, pipia wok bilong ol, olsem O'Neill na Namah. Dispela tupela man i ken mekim kolaut long laik bilong ol. Na ol jas i nogat rot long kisim halivim long nesanel tresari long baim politikal sapot olsem Namah na O'Neill i ken mekim olsem.

Samting ol Jas i save sanap strong long en bai ol i wok gut, em 'rispek' bihainim skul ol i kisim long loa, wok bilong ol olsem ol loya, gutpela pasin bilong ol, na strongpela bel bilong ol, na las tru, nem bilong opis bilong Jas.

Na wantaim dispela, i gat ol arapela loa rot bilong wok long strongim ol dispela oda bilong Jas.

Taim i gat bikpela na ples klia birua long nem bilong Jas, orait, em i nogat wanpela banis bilong em. Em bai yusim kontem provisin tasol long loa bilong banisim opis bilong em. I nogat moa.

Olsem na watpo O'Neill na Namah i skin kirap tru long mekimsave long ol Jas husat i nogat pawa long banisim ol,



Sabina's Corner

tasol ol i mekim gut konstitusional wok bilong ol, wantaim nogat pret o bihainim wanpela rot tasol. Em nau, yumi no save.

Ol jas bilong yumi i no stap long as bilong sting i kam sindaun long Papua Niugini long Indipenden na i kam.

Yu laik painim ol man i stap long as tru long asua long sotpela histori bilong PNG, orait, yu mas kotim tu Sir Michael, Sir Julius, Sir Mekere, Pius Wingti, Sir Rabbie na long taim politisen olsem Bart Philemon, husat i bin wok aninit long ol dispela ol praim minista husat i lukautim ol na ol wanlain bilong ol tasol, na olgeta arapela long kantri, ol i lus tingting long ol.

'Lusim ol Jas bilong yumi stap' em i toksave i kam long ol Yuni sumatin long stori long ol politisen, na mipela i luksave long ol long sanap ol i mekim long dispela samting.

Yu mekim mipela i amamas tru, na yupela i semim kain 'humen raits loya' olsem Powes Parkop na ol arapela loya long gavman olsem Allan Marat, Francis Awesa, na Moses Maladina.

Judisal Kondak Bil em i no traim long inapim wanpela samting i lus long loa i sut long pasin wansait.

Olsem na husat loya i go pas long givim stia tok, o i draftim dispela hap pekpek bilong dok, em i noken kolim em yet loya.

Em i wanpela lus man, na wanpela man o meri bilong smelim as bilong ol politisen.

Na sapos dispela loya i go het long dispela kain pasin, bai baksait bilong ol i solap long bendaun na likim tumas ol but bilong ol politisen.

Mipela i ting olsem UPNG Loa Skul i mas kamapim wanpela nupela subjek ol i kolim, "We bilong Likim ol But bilong ol Politisen na Susu long ol pinga bilong ol" long ol stadi progrem bilong ol long bihain.

Na mipela i ting olsem ol i mas kisim Dokta Marat, LLB; LLM; Phd, olsem namba wan Siaman long stiaim ol na ol arapela kos long kisim loa digri long UPNG.

Loa long pasin wansait em i no wanpela fil bilong loa i wok long kamap. Em i wanpela long ol dispela fil bilong edministretiv loa i stap long taim pinis insait long ol komon loa kantri we i bihainim Inglis loa olsem faundesen bilong ol ligel sistem bilong ol. Loa long pasin wansait em ol i kisim long ol Komon Loa Kot long ol Eklesia Kot i go pas long tingting olsem nogat man i mas sindaun jas long wok em yet i mekim.

Na dispela tingting i gat tupela hap, namba wan em Jas i sindaun glasim kot i noken gat wanpela pesenal intares long kot em i glasim; na namba tu, sapos em i nogat samting long kot em i glasim, orait, em i noken tok autim ol tingting bilong em long go agensim kot jasmen em i sindaun long en. Loa i tok olsem long tupela sait wantaim Jas yet i mas lusim kot na larim narapela Jas i go pas long skelim.

Na ol dispela em ol loa tingting bilong 17 na 18 sensari yet we i kam, i kam na nau em i holim strong loa bilong pasin wansait i stap nau.

Nau, em i no moa askim sapos em i tru tru pasin wansait o nogat. Loa nau i askim sapos i gat sans long pasin wansait i kamap, o sapos i gat inap tingting olsem i mas i gat pasin wansait.

Dispela nau em i wanpela strong pela astingting bilong loa wantaim loa mekimsave, sapos Jas i brukim loa.

Olsem na mipela i mas askim O'Neill na Atoni Jeneral bilong em: "Wanem bikpela astingting bilong loa i stap insait long dispela judisal kondak bil?"

Dispela bil i no bin kamapim wanpela nupela samting long bikpela loa long pasin wansait.

Samting em i mekim, em i tromoim olgeta loa long pasin wansait i go aut olgeta. Em i opim tin snek na long pasin bilong yumi PNG, dispela Bil i kamapim nupela hevi bilong mipela, olsem hevi bilong 'forum soping', wanpela bikpela astingting bilong loa long fil bilong praivet intanesenel loa.

Em i olsem. Olgeta wanwan man na dok bilong em bai go kam long ol Kot Rum long painim wanpela Jas ol i ting bai lukluk gut long ol, o wanpela juri, bai ol i ken winim kot.

Nau yet, ol kot rum bai kamap olsem ol Kot long Amerika i save mekim long makim ol juri.

Tasol, bikpela moa pasin stil

long dispela Bil i stap aninit long Seksen 5 (2) we i tok olsem:-

"(2) *Sapos Palamen i lukim olsem wanpela Jas i no rausim em yet aninit long sabseksen (1) o i senisim kot wok agensim sabseksen (1), Palamen yet, wantaim wanpela mosen, i ken riferim Jas i go long Het ov Stet long makim wanpela Traibunal long sekim asua long sabseksen (1) na i givim wanpela ripot i go long Palamen o i ken salim i go long narapela Atoriti long karimaut wok mekimsave.*"

Namba wan asua wantaim dispela loa antap, em i askim: "Palamen bai kisim dispela luksave olsem Jas i wansait, olsem wanem?"

Na ol praivet manmeri i ken go long Palamen sapos em i pilim olsem wanpela Jas i wansait na sapos i olsem, wanem ol rot i stap long bihainim long karim i go olgeta long palamen? Na sapos wanpela manmeri i kot i bihainim dispela rot, olsem wanem long ol loa rot i stap long em long bihainim long go long kot tasol? Ol i lusim olgeta dispela long bihainim stia aninit long dispela Bil? Sapos nogat, orait, yumi mekim wanem stap, na yumi wok go we tru wantaim dispela Bil?

I gat planti askim tumas long dispela Bil.

Dispela bil, ol i no skelim gut tingting long en.

Man nating i ken lukluk long dispela Bil na luksave olsem ol i hariap tru long mekim dispela bil, na ol i no skelim gut sampela ol bikpela samting, olsem; palamen nau i wok long go insait long wok bilong judisari, na sapos i olsem, olsem wanem long luksave long separesen o brukim bilong ol pawa; we dispela bil i wok daunim; na namba tu, wanem em i as tru long Palamen long kamapim dispela kain loa?

I gat planti askim tumas long dispela bil, na sapos em i kisim strong, nogut ol gutpela loya manmeri bai no laik bihainim dispela kain bil ol i hariapim olsem.

Na olsem wanem long Somare? Nau em i wok hariap tru long singaut, "wolf, wolf" olgeta taim O'Neill na Namah i kamautim wanpela nupela samting olsem dispela bil long Judisal kondak.

Na taim em i sutim pinga long Ombudsman Komisen long ol i opim maus long dispela Bil, em i skin kirap tru na

belkaskas nabaut.

Turangu, ating em i gat hevi long tingting bilong em. Em i no tingim olsem pastaim long em i ronawe i go long Singapo long silip haus sik, em i bin go pas long senisim loa we i rausim ol pawa bilong OC na Ombudsman Komiti, aninit long Maladina i bin tekova na bosim Komisen. Na bihain, Sir Michael i givim mipela ol senis long loa bilong Envairomen, we i rausim ol rait bilong ol pagagraun long kotim ol developmen kampani long birua i kamap long busgraun. Tenkyu long O'Neill na Namah, dispela loa, ol i senisim pinis. Somare, yu nogat sem tru!

Na nau, Sir Micahel i laik bai mipela i bilip olsem em i namba wan sempion bilong ol pipel na rait bilong ol. Plis, tekov i go nabaut. Yu nogat moa strong na mipela nogat moa bilip long yu.

Mipela ol pipel i bin bilip long yu na yu no lusim wanpela samting long mipela na ol pikinini bilong mipela. Nogat tru!

Yu wok long bisi long bildim liklik empai bilong yu wantaim mani bilong pablik.

Yu wok long groim kampani bisnis bilong yu, na yu kamapim ol famili na wanlain bilong yu tasol. Insait long NEC tu, yu bin gat liklik ol lain etvaisa husat i wok kisim stia long dispela 'stail mangi', Arthur, em Somare yet.

Lus tingting long kantri; lukluk long wok yu mekim long provins bilong yu yet long ESP. I nogat samting tru long hap!

Na olgeta yia, ol dispela pipel i wok pasim tingting yet na givim sapot na votim yu i go, na yu wok lukim kambek bilong yu olgeta faivpela yia olsem wanpela kain rait wanpela kain god yet i givim yu. Yu sik ya. Em i klia.

Na nau em i taim bilong O'Neill na Namah long repim kantri na pinisim olgeta kina na toea, na yu wok singaut, "stil dok, stil dok!" Wanem? Yu tasol bai kaikai? Tupela em man tu ya. Na yu ken pasim maus.

Sir Michael, yu nogat as long toktok makim ol pipel yu yet i bin yusim taim yu stap long opis.

Insait long sikspela mun bihain long ol i kisim opis, dispela tupela i givim pipel fri helt na fri edukesen. Em i orait. Na insait long 40 krismas yu holim pawa, yu givim wanem? Nogat tru! Ziro Balens!

# OI UPNG gre- duet i kisim salens

**Veronica Hatutasi i raitim**

**SAMTING** olsem 1,230 sumatin bilong Yunivesiti bilong PNG (UPNG) long Waigani n a Taurama kempus husat i bin greduet i kisim salens long tingting gut na mekim ol samting bai helpim ol yet na tu, bilong ol na komyuniti, sosaiti na kantri.

Long wankain taim tu, ol i kisim tok olsem ol i gat wok long mekim na dispela em long bekim dinau ol i gat long sosaiti long skul bilong ol, na tu, long kamap ol gutpela manmeri bilong dispela kantri.

Wanpela sinia sitisen na saveman bilong kantri husat i bin wanpela long ol namba wan greduet bilong yunivesiti long dispela kantri na tu, longpela taim politisen na wok olsem Jenerel

Sekreteri bilong Esia, Karibien na Pasifik grup long hetopis long London, em Se John Kaputin i wokim salens taim em bin toktok long namba 57 greduesen bilong UPNG long las wik Fraide.

Ol sumatin i bin greduet bihain long ol i pinisim 4-pela yia, na 5-pela yia long ol lain i skul long kamap ol dokta, skul bilong Humenitis/Ats, Sosel Saiens, Skul bilong Bisnis Edministresen, Skul bilong Marasin na Helt Saiens, Skul bilong Naturel na Fisikel Saiens na Skul bilong Loa.

Em bin tok long PNG we planti lain i no save kisim yunivesiti level edukesen, i moabeta long ol greduet long serim save em i kisim long gutpela bilong olgeta na sosaiti.

Em bin tokim ol sumatin olsem ol lida

bilong tumora, ol i gat salens long edresim ol hevi kantri i gat long en na inapim ol nesenel gols na dairektiv insait long Mama Loa bilong yumi.

Long wankain taim tu, Se John i bin tok em i bikpela samting long nesenel gavman i givim sapot long ol edukesen institusen o ol bikpela skul na ol yangpela pipel i ken kisim ol gutpela pasin na save long divelopmen na senis i ken kamap.

Em bin tokim ol lain i greduet long askim ol yet rot ol i go long en, na samting ol i ken mekim wantaim fomol edukesen long yumivesiti level ol i kisim long en long kamapim senis long ol yet, sosaiti na kantri.

Long wankain taim, Se John i bin kisim honoreri doktoret long bilong filosofi long politikel saiens.

## Spesel banis sut progrem i stat pinis ... Tagetim ol yangpela meri na pikinini

APIL o askim i go long gavman bilong dispela kantri long skruim wok komitmen long stopim ol sik we ol pikinini i save kisim, na em i ken mekim dispela long sapotim ban is sut progrem.

Man i makim Yunaitet Nesens Fan bilong ol Pikinini (UNICEF) long PNG, Baba Danbappa, i wokim dispela askim long longsim kempin bilong saplimenteri progrem long banisim ol pikinini na ol yangpela meri na ol bel mama (SIA) long sik misels na tetanus long Mosbi las wik.

Samting olsem 800,000 pikinini i gat krismas namel long wanpela de inap long tripela yia, na ol 1.5 milian meri i gat krismas namel long 15 na 45 yia, i gat long em tu ol bel mama bai go insait long dispela banis sut progrem.

Dispela em i namba tri banis sut progrem na Mista Danbappa i tok dispela em i wanpela spesel progrem long wanem, antap long kisim banis sut agensim misels na ol narapela sik ol pikinini i save kisim, em bai banisim sik tetanus.

Mama na pikinini i save karim bikpela pen long dispela sik we i save kilim dai ol.

Em bin tok givim banis long ol pikinini agensim ol sik bilong ol (pikinini) i bikpela samting long kamapim gut helt, laip na

stap bilong ol pikinini. "Givim ban is sut em i wanpela gutpela pablik hetl progrem we i wok gut long stopim ol mama na ol pikinini i dai.

"Na UNICEF i luksave long gavman long yusim dispela spesel banis sut progrem kempin olsem rot long kisim ol narapela helt sevis long stopim ol kain sik olsem Vaitamin A sapliment ol mama na pikinini i i kisim long stopim ol liklik snek we i save kamapim bel solap long ol liklik pikinini.

"Mi tok tenkyu tu long ol Non Gavman na ol Feit Beis Ogenaisesen husat i sapotim dispela progrem insait long ol netwok bilong ol. Em long Wol Visin, Child Fan, Latter de Sen Saritis, PNG Yut Wokas Asosiesen, PNG Sios Medikel Kaunsel, Edukesen Dipatmen na Susu Mamas.

"Mi amamas tu long ol pravit sekta lain husat i kam insait long promotim sosel mobilaisesen progrem insait long ol koporet sekta netwok bilong ol. Moa yet, PNG Bisnis Kaunsel, PNG Samba bilong Komes na Industri, Pot Mosbi Semba bilong Komes, Namba wan Supa, PNG Pots, SP Bruri, Maritaim Atoritii bilong PNG, Siti Famasi, PNG Employas Federesen, Oil Ses Helt

Faundesen na planti moa," Mista Danbappa i tok.

Mista Danbappa i tok UNICEF bai sapotim nesenel Dipatmen bilong Helt long inapim rijinel gol long rausim sik misels long kantri long dispela yia, na tu, long kamapim gut helt, laip na sindaun bilong pipel long kantri. Na moa yet, ol meri na ol pikinini.

Long yia 2000, PNG i bin rausim sik polio, na stat yet long yia 2004, wok long was long dispela eria i soim olsem nogat sik misels i kamap.

Wanpela askim we Mista danbappa i putim i go aut long ol famili em long kisim ol pikinini i gat krismas anin it long tripela yia, i go long ol mobail klinik long kisim banis sut. Na long olgeta meri namel long 15 na 45 krismas na ol dispela i gat bel long go kisim banis sut agensim sik tetanus.

Long dispela lonsing seremoni tu, Helt na HIV na AIDS Minista, Jamie Maxtone -Graham i salim strongpela totkok i go aut long pablik insait long kantri long kaikaim ol gutpela gaden kaikai, na ol i ken stap helti.

Dispela SIA banis sut progrem i stat pinis long dispela wik na bai pinis long neks mun, Me 15.



**GREDUET:** Wanpela long ol meri greduet i kisim digri pepa bilong em long Sansela bilong UPNG, Stephen Pokawin, taim ol narapela wanlain bilong em i wet long lain. :Foto: Nicky Bernard



**BRUKIM GRAUN LONG STATIM WOK:** Ol bikman bilong UPNG, Esso Hailans, PNGIMR na Skul bilong Marasin long UPNG i brukim graun long soim rot bilong wok long leboretori i stat. Foto: Esso Hailans Pablik Rilesens

## Ol medikel saientis i kisim gutpela sapot long PNG LNG Projek

GUTPELA helpim bai go long ol medikel saientis bilong PNG wantaim helpim we PNG LNG Projek i givim long en.

Long dispela wik, PNG LNG Projek i putim K1.3 milian (US\$607,000) i go long PNG Institut bilong Medikel Stadis PNGIMR) long bildim wanpela nupela leboretori bai gat ol nupela masin na ol samting we olo saientis bai mekim ol wok bilong ol.

Olsem hap bilong PNG LNG

Projek long helpim kamapim gut helt bilong ol famili na ol komyuniti long PNG, PNG LNG i patna wantaim PNGIMR long fandim baiomedikel leboretori bilong Yunivesiti bilong PNG Skul ov Marasin na Helt Saiens long Mosbi.

Ol saientis bilong PNG bai kisim moa trening long dispela nupela leboretori na tu, wokim ol ol stadi, wok na tes long ol sik we i wok long kamap bikpela gen olsem kolera na niunionia.

Ol wok long dispela nupela leboretori i bin stat long mun Mas dispela yia, na bai pinis long mun Me long dispela yia tu.

Menesing Dairekta bilong Esso Hailans Limitet, em kampani we i operetim PNG LNG Projek, Peter Graham, i tok kampani i gat wok long sapotim wantaim mani ol helt projek long PNG na helpim edresim o daunim ol hevi long sait bilong helt insait long kantri.

**WANTOK**  
Niuspepa Bilong Yumi Ol PNG Stret!

Salim pikinini bilong yu i go long skul long gutpela bihain taim bilong em. Wantok Niuspepa i sapotim Yunivesel Besik Edukesen (UBE).







Yut, Meri na Famili wantaim Lorraine Siraba

# Judiseri Bil kondak

PLANTI lain i agensim Judisel Kontrol Bil o Loal we gavman i bin kamapim i no long taim i go pinis.

Oi Sivil Sosaiti grup husat i wari long dispela Bil i go pas long agensim em (Bil) we i bin lukim ol sumatin bilong Yunivesiti long PNG i mas i go long Morauta Haus. Na yumi lukim jenerel pablik i agensim tru dispela Bil. Long edres o toktok bilong em long olgeta pipel bilong PNG, Praim Minista i bin tok Palamen i wokim dispela loan a em i no nogut loa, nogat. Na pipel we ol i mekim loa long ol i no sapotim disisen long kamapim dispela loa.

Nau gavman i wokim disisen we em i putim K1 milian long karimaut ol awenes toktok insait long kantri long kisim tingting bilong pipel pastaim Bil i kamap wanpela loa.

Dispela em i no narapela samting, tasol "crisis management" o menesim hevi na yusim bikipela pablik mani. Oi man meri long ples i stap long ol ples longwe olsem Telefomin i nogat intres long Judiseri Bil, tasol wanem taim na olsem wanem ol bai kisim gavman sevis long eria bilong ol bikos ol i save wokabaut longpela rot long kisim ol sevis long helt senta o skul o long taun.

Wan milian kinas bai wes nating long baim ol balus tiket, pe bilong hotel long slip we ol bai troim bikipela mani long en, K200 alauwens long wanpela de ol wok manmeri i kisim long go aut wokim ol wok awenes, haiarim ol kar, konpres rum i mas gat ol riflesmen o kaikai, haiarim dingi na planti moa samting i stap long lista, na hamas man bai ol i kisim long karimaut ol wok konsaltesen.

Long narapela sait, Helt Minista i wok long painim mani mak long K2 milian long fandim banis sut (Immunisation) progrem long olgeta hap bilong kantri.

Oi i ken yusim dispela mani long dispela wok kempein o sapos nogat, stretim ol rot, baim ol marasin bilong ol ruel helt senta, kamapim gut ol skul insait long ol ruel eria na ol samting olsem.

Pipel long olgeta hap kona bilong kantri PNG i serim pinis ol tingting bilong ol we ol i agensim dispela Bil, tasol gavman i laik karimaut konsaltesen o kisim tingting bilong pipel long dispela bil. Dispela i no orait. i luk olsem gavman i wokim ol disisen long lukautim laik yet bilong em yet, na i no bilong ol manmeri bilong PNG.

# Oi meri long bisnis bung kamap gut

TUPELA de ol meri long bisnis bung long Mosbi we Nesenel Dvelopmen Benk (NDB) i bin go pas long en i bin go gut tasol.

Dispela em i namba wankain bung ol meri long bisnis bung i kamap long nesenel level.

Gavman i bin patna wantaim Dipatmen bilong Komes na Industri long ranim dispela bung i bin kamap long las wiken Sande na pinis long Mande Mas 26.

Komes na Industri Dipatmen i bin katim K40,000 long holim dispela bung we i gat bilip olsem bai sapotim na strongim ol meri i stap pinis long wok bisnis, na ol lain meri i laik kirapim ol bisnis bilong ol.

Minista bilong Agrikalsa na Laipstok, Dokta Puka Temu, i bin autim bikipela amamas long dispela bung na tok wanpela long ol nupela senis we NDB i bin kamapim em long ol meri long bisnis na sapotim ol long kamap ol gutpela na strongpela bisnis meri.



# Raun Lukim ol Meri na Pikinini

LAMANA GELS: Bungim ol dispela raitlain yangpela meri i save wok long Lamana Hotel long Mosbi. Wantok i bin bungim ol long wanpela woksop bung we ol dispela yangpela wokmeri i bin wok hat long redim na sevim kaikai bilong ol lain i stap insait long wanpela woksop long Mosbi yet.

Poto: Nicky Bernard



## PNG SUSTAINABLE DEVELOPMENT PROGRAM LTD



### Oi Mobail Fon i strongim Helt Sevis

Taim mi bin skul long Awabe, sampela ewe ron bihainim wera long Belimo, sapos i bin gat medikal imejensi, toksave i save go aut long redio. Na bikos i save gat wanwan taim tasol we ol i save sekim redio. i save longpela taim pastaim long medikal halivim i kamap.

Taim PNGSDP i bin pasim tingting long bringim mobail fon siknel i go long planti hap long Westen Provis, mi bin balikrap tru bikos mi save long ol bikipela safens i stap long ol longwe ples insait long provins. Mi save long prat i save holim ol manmeri taim ol i sik, o snek i kaikaim ol, na wari bilong ol papamama taim mama i no karim gut, o taim pikinini bilong ol i bungim binas.


Nau we planti ol ples i wok long kisim ol siknel bilong mobail fon, planti nupela wok i kamap. Bihain long planti yie long ol i raitim ol ripot na perim rot long salim ol dispela ripot i go long he topis, na ol manmeri i wok long ol Helt Pos bilong mipela inap long salim ol ripot long mobail fon tasol, na ol manmeri long hedwota i ken lukim long sampela sekim bihain tasol, na i no sampela wik bihain!

PNGSDP i kisim stia long strong bilong mobail fon, long ol episal bilong Wol Helt Oganaisesen (WHO), husat i harim olsem mipela i siklim bikipela mani long sanapim ol komyunikesen tawa long provins. Mipela i bin kisim askim long Westen Provis long halivim wantaim bungim bilong infomesen o stori na namba long ol Helt Pos long Provis, na mipela i mekim K450,000 pinis long halivim dispela wok. Bihain long stia i kam long WHO na provins, mipela i givim ol mobail fon long ol helt ejensi wokman, husat i wok yusim ol long bungim ol stori long sindaun bilong ol klinik, ol wokmanmeri, komyunikesen masin bilong ol, na haus bilong ol helt wokmanmeri, na planti ol anapela samting.

Olgeta dispela infomesen em ol i salim i go aut taim mobail fon netwok i bin sanap gut. Em i save ron i go long wanpela komyuta ol i lukautim bilong bungim olgeta stori, na i save kamap stret long ol helt episal long Westen Provis na ol anapela hap tu.

Olsem wantaim planti ol nupela rot bilong mekim wok, dispela we bilong bungim stori i isi isi pastaim, tasol nau kaikai bilong en i kamap ples kila. Em i sip moa long wanpela i kisim ol stori namba taim em i mekim ol regular wokabaut patrol, na bihain, salim ol pipel i go aut long mekim dispela wok long wanpela bikipela wok progrem, we i dia moa.

Olsem ol namba wan risal o namba i soim, mipela i ken lukim ol helt pos i nidim tru mobeta wera na sanitesen saplai. Em i kila olsem long 64 helt pos i givim stori, 52 i nogat gutpela wera saplai, 45 i nogat pawa, na 32 i nogat gutpela sanitesen, 14 i ripot olsem ol redio bilong ol i no wok, na 15 i nogat gutpela toilet bilong ol wokman bilong ol. Olgeta dispela ol stori i gutpela long halivim mipela taim mipela i perim wok bilong givim ol helt sevis, na ol rot bilong strongim sindaun bilong ol helt wokman na ol sikmanmeri.



Oi namba na stori bilong Stadi - Iveluesen tul: Jeneral Infomesen i kam long olgeta WP helt fasiliti

Wok i kirap pinis long strongim rot bilong tromoi pipie na pelpek, na sanapim gut ol wera saplai insait long 22 long ol helt post i nidim ol dispela samting. Mipela i lukluk i go hat long lukim ol kaikai bilong sevis, bai em i ken kamapim mobeta samting na sindaun insait long ol helt post long Westen Provis.

I kam long tebol bilong CEO (Article #11 of 2012)



CEO: David Sode





### PAM SANDE PROSESIO:

SEN Charles Lwanga Katolik peris long Gerehu insait long Nesenel Kapitel Distrik i bin wanpela long ol Kristen Sios long PNG na wol i bin selebretim Pam Sande long las wik Sande long tingim welkam na bi-

hain, wokabout long pen na dai bilong Jisas, na kirap bek gen long Ista Sande moa long 2,000 krismas i go pinis. Olsem tredisen o pasin kastom bilong ol sios long wol, Pam Sande em i stat

bilong Holiwik we ol bikipela lotu sevis i save kamap, stat long Gut Fonde em de bilong tingim Laspela Kaikai Jisa i bin gat wantaim ol aposel bilong em pastaim em i go long wokabout bilong pen na dai,

tasol amamas long daunim olgeta samting na kirap bek long Ista Sande. We ol Alta boi na gels na tupela pater I go pas long en. Ol kongrikenes I kam bihain. **Poto: Nicky Bernard**

## Ol Ista toktok i kam long ol sios lida

### Bisop Peter Ramsden bilong Pot Mosbi Angliken Daiosis:

Welkam long Jisas i kirap bek:

BIKPELA toktok we Bisop Peter i mekim i fokas long hiling, daunpasin, laikim narapela, pogivim wanpela narapela na bel isi pasin Jisas i gat we yumi tu i ken soim long ol narapela long komyniti, sosaiti na kantri bilong yumi.

Bisop i toktok long stori i stap long Gospel bilong Santu Mak long Jisas i hilim o oraitim wanpela opisa bilong Rom.

Bisop i tok Jisas i autim dispela tok long mekim opisa i kamap orait long olgeta pipel long wol.



BI SOP PETER RAMSDEN

Wol i laikim hiling o kamap orait na olsem, Papa God i

bin salim wanpela pikinini tasol, Jisas we mama Maria i karim em long Krismas, dai long Diwai Kruse long Gut Fraide, tasol kirap bek na win long kisim bek ol manmeri we sin i bin winim ol long Ista Sande.

"Pasin we yumi mas gat em dispela we Jisas i soim long Holiwik- daunpasin, laikim narapela, pogivim wanpela narapela na bel isi pasin Jisas i gat we yumi tu i mas soim long ol narapela.

Bisop Peter i skruim toktok long piksa bilong PNG na tok i gat planti samting we yumi long PNG i mas kisim hiling long en.

"Stap long PNG long yia 2012 i gat planti salens. Kantri i gat planti samting na i wok long kamap ris, tasol planti pipel i kamap turangu. Planti pipel i no kisim ol sevis, planti i no skruim gut skul na i nogat wok bihain long pinisim skul, planti bebi i dai na tu, ol mama tai mol i karim bebi, korapsen na domestic vailens o ol man i paitim nogut na bagarapim ol meri, AIDS, soseri o blek mejik na peibek, hevi long sait bilong politiks na bai 2012 nesenel ileksen bai kamap o nogat? Hiling i mas kamap long planti samting," Bisop Peter i tok.

## Asbisop John Ribat bilong Pot Mosbi Katolik Asdaiosis:

STRONGIM wok sariti na bel isi pasin (charity and peace) em bikipela toktok we Katolik Asbisop bilong Pot Mosbi Asdaiosis, John Ribat MSC, i tok long ol Katolik pipel long asdaiosis na kantri long mekim long dispela taim bilong Lent na Ista.

Asbisop Ribat i tok bihainim rot bilong Profet Joel long Sapta 2:12, yumi mas yunait wantaim Krai long pen na hevi em i karim, na soim laik pasin, pogivim wanpela narapela na helpim ol neiba bilong yumi i stap turangu.



ASBISOP JOHN RIBAT, MSC

## Hetman bilong Katolik Sios long wol, Pop Benedict 16 long Lent na Ista:

STRONGPELA mesej o tok-tok bilong Pop Benedict 16 em long dispela sisen bilong Lent na Ista klosut i pondaun antap long yumi long dispela Sande em long tingim ol narapela na mekim ol gutpela

wok, olsem i stap long Hibru 10:24. Pop i long tude, Bikipela i singautim yumi long tingim wanpela narapela. Em i tok long kain sosaiti yumi stap long em tude na ol

Kirap bek em i gif o presen (John 20:19-23) BIKPELA samting we Jisas i givim long ol Kristen long gif bilong kirap bek em long bel isi, Holi Spirit na pogivim wanpela narapela, Reveren Sommy Setu, bilong Evanjelikel Lutheran Sios PNG long Mosbi, i tok. Em i tok ol Kristen i bung wantaim na Jisas namel long ol em i mak bilong trupela Kristen felosip.

salens yumi gat, yumi ken kamap aipas long ol fisikel hevi ol narapela i bungim long sait bilong spiritual na moral o stretpela pasin. Em i tok dispela i noken kamap long Kristen komyniti.

Em i tok dispela i noken kamap long Kristen komyniti.

## Reveren Sommy Setu, Lutheran Sios:

"I gat samting spesel long bung wantaim long nem bilong Krai. Jisas i bin go long ol aposel bilong em na givim ol bel isi pasin, na wankain long yumi tu. Bel isi pasin em i wanpela spesel gif o presen ol Kristen i ken serim. Bikipela win na ren i ken raunim yumi, tasol yumi bung wantaim long nem bilong Jisas, yumi serim bel isi pasin," Reveren Sommy i tok. Em i skruim tok long pasin

bilong pogivim wanpela narapela we i bungim yumi wantaim long gat bel isi, long oraitim yumi long ol hevi na pen. "Ol gif bilong kirap bek Jisas i givim long sios bilong em na yumi em long felosip long marit, famili, ol yu grup, kongrikenes na peris. Em i laik givim yu ol dispela samting na salim yu i go aut long wol long tilim ol dispela gif i go aut long wol.

**GLASIM TOK**  
WANTAIM  
Fr Lollington Wiam

## Resureksen em bilong Jisas tasol, o yumi wantaim

LEN sisen i bin stat long as Trinde na bai pinis long dispela Holi wik long Maundi Fonde i bikipela samting long yumi ol Kristen. Sios i save strongim yumi long mekim len olsem taim bilongd redi long bikipela mistori bilong Paska long dai na kirap bek bilong Jisas.

Em taim bilong glasim laip bilong yumi i stap olsem wanem, em taim bilong yumi autim pekato, em taim bilong wokim penens, taim bilong rid, stadi na toktok wantaim Bikipela na tu, taim bilong givim long ol narapela.

Insait long dispela len, yumi bungim ol kankain traim long bodi, tingting na spirituel laip bilong yumi olsem Jisas i bungim insait long 40 de na nait long ples drai. Sapos yumi glasim gut Jisas na ol dispela traim, yumi tu i kamap wina.

Long Gud Fraide dispela olgeta pasin nogut bai pinis antap long diwai kruse. Mi ting i gutpela sapos yumi poroman gut wantaim Jisas long taim bilong traim long len. Orait, wankain pasin olsem yumi kristen i mas poroman gen wantaim Jisas insait long dispela Holi Wik na karim pen wantaim bikipela bilong yumi.

Long Gud Fraide Jisas bai dai long diwai kruse na yumi olsem wanem? Bai yumi dai wantaim em tu? Long wanpela hap ol toktok Jisas i kamap taim ol i nilim em antap long diwai kruse i olsem; em ol laspela o toktok bilong Jisas : em long Lk 23: 34 – Papa pogivim ol na gen long Lk 23: 43 – Tude bai yu stap wantaim mi long Paradais. Mk 15:34, God bilong mi God bilong mi. Wa?po yu lusim mi? Jn 19: 30 – Em i pinis, Papa mi putim spirit long han bilong yu long Lk 23: 26.

Em dispela ol toktok na fainol win long wok bilong Satan. Jisas i daunim wok na pasin bilong seten. Sapos yumi pas gut tru wantaim Jisas long dispela Holi wik i go inap long Gut Fraide na dai wantaim em, yumi tu i daunim pasin tudak pinis.

Em nau Ista de em yumi bai selebretim bikipela amamas long win long dai na kirap bek bilong Jisas Krai bikipela bilong yumi. Tru tumas, Jisas i dai na kirap bek gen long Sande moning na yumi tu, mi bilip bai yumi dai wantaim Jisas long Gut Fraide na bai kirap gen long Ista Sande moning.

Olsem na kirap bek gen i no bilong Jisas tasol, nogat! Em bilong yumi olgeta. Kirap bek bilong Jisas Krai i givim yumi nupela laip, wankain olsem kirap bek bilong yumi ii makim nupela senis, long tingting, pasin na wok laip bilong yumi. Olsem na resureksen em bilong yumi olgeta.





**TOK PISIN NEWS**  
from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

## Planti tausen pipel long Fiji i bungim bikpela hevi long haiwara

FIJI gavman i tokaut long wanpela stet ov imejensi long kantri long wanem bikpela ren i wok long hamarim bik ailan bilong ol, Viti Levu.

Planti tausen pipel i stap nau long ol ivekuesen senta wantaim tu ol turis.

Tupela pipel i dai long dispela ol haiwara.

Bruce Hill bilong Radio Australia i stap nau long Sigatoka, na em i tok dispela haiwara i kamap long planti hap.

"Ren i kam na go long ol nambis ples, tasol mipela i harim olsem ren i pundaun strong na i nogat

malolo long en, long namel sentral hap bilong ailan," em i tok.

"Sapos yu ken tingim olsem Viti Levu i olsem wanpela wil, na ol hanwara em olsem ol spok we i sut go aut long en, na sapos ren i pundaun strong long hailans ples, orait, wara bai ron i go daun yet.

"Mi ken tok olsem i no long westen divisen tasol i bungim haiwara hevi. Ol i toktok tu long ol haiwara long sentral na isten divisen tu."

## Buka haus sik i sot long spes bilong ol sikman

TOKTOK i kam long Medikal Sevises long Otonomas Rijen bilong Bogenvil, i tok dispela bikpela haus sik i wok long bungim hevi long lukautim ol sikman.

Dairekta bilong Medikal Sevises, Dokta Barnabas

Matanu, i tok wanpela long ol wari em long populesen bilong Bogenvil i wok long groa hariap tumas.

Em i tok ol i bin wokim Buka Jeneral Haus sik olsem sais bilong Distrik Haus sik, na i nogat inap spes.

Tasol Dokta Matanu i tok dispela i no stopim ol long go aut long ol autris wok bilong ol arasait long haus sik.

## Pati bilong Aung San Suu Kyi i win bikpela tru long bai-ileksen

OPOSISEN lida bilong Burma, Aung San Suu Kyi i tok dispela win i go long palamen em i wanpela viktori o win bilong ol pipel. Pati bilong emi winim pinis 43 long 44 sia em i bin resis long en insait long dispela bai-ilek-

sen.

Mausman bilong National League for Democracy i tok ol i wok long kaunim yet ol risal bilong Shan State.

Aung San Suu Kyi i bin win long lenslait wantaim moa long 80 pesen long vot.

Pati bilong em bai kontrolim 10 pesen long palamen lowa haus, sapos em i winim olgeta 44 sia. Jim Middleton bilong Australia Network i wanpela long ol Australia opisa obsevesen man long Burma.

Em i tokim Radio Australia olsem, i tru ol i painim vot i transparan, o i kamap orait long ples klia, tasol i bin gat sampela ripot i kamap long ol paul wok long sampela hap.

## Olpela deputi Praim Minista bilong Australia i dai

MAN husat i bin deputi praim minista bipo bilong Australia, Lionel Bowen, krismas bilong en 89, i bin dai long haus bilong en long Sidni (Sydney).

Planti gutpela toktok i wok long kamap bihainim indai bilong Bowen, long Sande moning.

Ol i tok olsem em i bin wanpela man i gat bikpela daun pasin, na planti manmeri tru i bin sapotim em.

Mista Bowen, krismas bilong en 89, i bin dai long Sande moning long haus bilong en long Sidni, we meri bilong en, Clare, na 8-pela pikinini i bin stap taim em i dai.

Insait long 21 yia insait long palamen bilong Australia, em i bin wok olsem Atoni Jeneral na Deputi Praim Minista insait long gavman bilong Bob Hawke, na tu, wanpela minista aninit long Gavman bilong Gough Whitlam. Foren Afes Minista, Seneta Bob Carr, i tok Mista Bowen i bin save gut long politik bilong ol

wokmanmeri long Australia, olsem baksait bilong han bilong em yet.

## PNG Pomio pipel i wari yet long SABL

OL PNG Spesol Agrikalsa Bisnis Lis o SABL, i kamapim yet bikpela wari long ol Pomio pipel bilong Is Nu Briten provins.

Ol pipel i wok long go het long soim ol strongpela tingting no laik agensim bikpela loging kampani bilong Malesia, Rimbunan Hijau, o RH.

Dispela kampani i laik kirapim bisnis bilong Welpam long graun bilong ol pipel, tasol ol papagraun i nogat laik tru long dispela kampani long yusim graun bilong ol.

Long stat bilong dispela mun, ol raiot polis i bin go long Pomio long halivim kampani agensim ol papagraun.

## Nupela malaria marasin bai halivim PNG na Pasifik

OL Papua Niugini na Australia saintis i tok dispela ol trail – o tes – i soim klia wanpela nupela marasin i halivim gut ol pikinini wantaim sik malaria.

Ol i bin traim pinis ol dispela marasin long wanpela malaria binatang, em ol i kolim Plasmodiumfalciparum long Afrika, na em i wok gut tru.

Dispela kain marasin i stopim tu malaria binatang em ol i kolim Plasmodium vivax, em i save kamapim planti sik long Papua Niugini.

Dokta Ivo Mueller, husat i bin wok bipo wantaim medikal risets institute long PNG na nau em i wok wantaim Walter na Eliza Hall Institut long Melbon i bin go pas long dispela wok painimaut.



**PNG POWER Ltd**

### PABLIK NOTIS I GO LONG OLGETA PAWA KASTOMA

PNG Power i laik toksave long ol pawa kastoma bilong en olsem em i laik kamapim rot bilong baim bil, we i no nidim kesmani long olgeta senta bilong en long kantri. Dispela rot bilong baim bil bai yusim EFTPOS masin olsem yu save usim benk kad long baim kaikai long stoa.

Dispela em bilong abrusim ol sekyuriti hevi long ol kastoma, na tu, PNG Power yet. Sanapim bilong ol EFTPOS masin i go het pinis long Pot Mosbi na bai go het tu long ol arapela hap.

Olsem na ol kastoma, i mas opim ol benk akaun bai ol i ken baim ol pawa bil bilong ol. PNG Power tu i gat wanpela nupela spesol benk deposit slip wantaim akaun namba i stap long en, i stap pinis long olgeta benk, sapos ol kastoma i laik mekim ol diposit stret long benk.

Ol kastoma i ken kisim ol risit wantaim ol bil bilong ol i go long PNG Power bai ol i ken apdetim o stretim akaun bilong ol. PNG Power i luksave long hevi ol kastoma bilong em long ol longwe ples i gat, na ol i wok long painim wanpela gutpela rot long halivim ol.

Ol pepa bil na invois bai go aut yet long ol kastoma.

**DISPELA TOKSAVE I KAM LONG MENESMEN BILONG PPL**





# Ol meri ken winim 2012 ileksen ...olgeta meri ken mekim blok vot

SAPOS wanpela meri i laik sanap long open sia bai em win nating tru bikos olgeta meri i ken pasim na lokim vot long em tasol insait long dispela nesanel ileksen. Wanwan papa na ol yangpela ken givim vot 2 long dispela meri kendidet na em ken win stret.

Em sapos ol meri laik gat namba na mauseri insait long nesanel palamen wantaim ol man bikos Lo bilong givim 22 sia long ol meri em memba long palamen i no votim long mekim i kamap.

Ol meri ken winim sit insait long ol open sia olsem Mosbi Not Is, Mosbi Saut, Mosbi Not Wes, Lae Open, Rabaul Open, Madang Open na ol arapela taun sit. Bikos planti bilong ol mama na ol meri long ol dispela hap em ol skul meri na save gut long rit na rait na ol ken pasim tingting long kamapim ol meri memba long nesanel palamen.

Meri bilong mi bin tokim mi olsem em bai wanbel tru long kempen long husat meri i laik sanap long open sit long Mosbi. Na bikpela tok-



tok em bai toktok strong long ol meri mas luksave em long kamapim meri long makim ol long haus palamen.

Dispela i no hat sapot ol meri i sanapim gut kempen bilong ol na mekim klia long olgeta meri mas bungim tingting bilong ol. Em isi tu long ol man bai givim vot 2 bilong ol bai go isi tru long dispela meri kendidet.

Planti skul man na save man laikim senis long gavman na kantri na wanpela tingting ol man gat tu em long putim ol meri go long palamen long kisim mani bilong mekim wok na bringim sevis na developmen long komyuniti.

Ating Oposisen lida na memba bilong Mosbi Saut Dem Carol Kidu i soim pinis dispela piksa long lukautim

gut na bringim sevis long ilektoret bilong em long Mosbi siti. Na dispela piska bilong em i go ples klia pinis long ai bilong planti manmeri long Mosbi na Papua Niugini tu na ol lukim olsem ol meri ken kamapim gutpela senis long komyuniti.

Bikpela as yumi votim ol lida go long palamen em long bringim sevis na divelopmen kam long pipel insait long komyuniti. Na sapos ol man i no inap mekim olsem, orait ating ol meri ken.

Yumi lukim olsem ol man i hangre tumas long pawa. Ol laikim biknem na poket bilong ol mas pulap, maritim tupela tripela meri na wokabout olsem bikpela man long ai bilong arapela. Planti disisen bilong ol em long kamapim bisnis we mani go long sait bilong ol yet na bisnis bilong ol. Ol yusim nem bilong kantri long bringim bikpela projek na bisnis kam na aninit em komisin o amamas mani bilong ol tu stap wantaim. Olsem na ol fat nogut tru na save gut long ron go kam long ovasis aninit long nem bilong Papua Niug-

ini tasol sampela sait amamas bilong ol yet i stap insait.

Pasin bilong hangre long pawa em bikpela samting we yumi lukim pinis long bipo yet i kam taim Somare gavman bin stap. Ol wok long abrusim vot nogat bilip long gavman bilong ol long surukim palamen go narapela de long abrusim dispela vot.

Bihain yumi lukim Peter O'Neill gavman kam insait long narapela kain rot long rausim Somare gavman na ol pulim taitim go kam long Kot i stap.

Nau ol no laikm vot lo bilong givim 22 sit go long ol meri bikos nogut ol meri bai mekim disisen na ol wok stret na ol man bai no inap kisim sampela gutpela samting ol laikim long en. Em pasin bilong hangre long pawa.

Olsem na ating yumi makim ol meri long 2012 nesanel ileksen. Ol meri ken mekim dispela senis sapos ol bungim tingting na sapot wantaim na putim olgeta vot 1 go long meri kendidet bilong yumi.

## WANTOK KOMENTRI

### Trupela pasin bilong man i no stap long skin bilong em

TAIM yumi lukluk long man, bai yumi nap save long trupela bel bilong em o nogat?

Planti long yumi bai lukim olsem namba wan skelim mak bilong bel bilong man.

Namba tu skelim bilong bel bilong man, em yumi ol arapela save skelim long toktok bilong em.

Tasol dispela tupela samting em i no save soim tru tru bel bilong man.

Long PNG, yumi save bihainim dispela pasin bilong givim luksave long ol bikman bikos yumi save tok ol i karim nem, na ol i save go pas long makim tingting, o wok bilong yumi.

Tasol trutru, yumi no save long bel tru tru bilong ol.

Yumi no save long wanem kain hait pasin ol i gat.

Planti ol lida manmeri bilong yumi nau i stap long palamen, ol i gat wanwan ol stori bilong ol.

Sampela ol bisnis man bipo, sampela ol lida bilong komyuniti bipo, na ol arapela em ol man nating, husat i gat nem long komyuniti o ples.

Tasol insait long haus bilong ol, ol em wanem kain lain?

Sapos ol i gat ol hait pasin, bai yumi save olsem wanem?

Investigesen Tas Fos Sweep, dispela ol lain i wok long sekim na glasim olgeta paul pasin bilong gavman na wok mani bilong kantri, i mas lukluk tu long ol dispela hait pasin.

Bikos maski lida man i ken tromoi switpela toktok bilong kolim bel na pulim iau, dispela toktok bai nogat as bilong en sapos lida yet i wanpela man i sting long bel pinis.

Sapos lida em i man bilong dring, na sapos em i man bilong tromoi mani olsem em i pepa nating, yumi mas save gut long en.

Sapos em i lukim mani olsem samting nating, em i min olsem em i lukim ol arapela samting nogut olsem samting tru tru.

Yumi pipel i save sindaun gut, bihainim ol pasin bilong luksave na opim han. Pasin bilong tru tru bel, em i pasin bilong opim han na givim samting bilong halivim arapela. Na i no bilong wetim bekim bilong en.

Kain kain man i gat kain kain bel, na kain kain tingting.

Sapos lida i wok givim mani long kisim vot na bilip bilong yu, em i no lida tru tru.

Em i ken lida bilong givim gutpela toktok, em i ken lida bilong autim gutpela tingting, tasol sapos bel bilong em i sting pinis, bai yumi pundaun yet.

Ileksen taim i kam klostu pinis.

Yumi wanwan mas skelim gut ol lida yumi laikim long lukautim na staim yumi wantaim gutpela save na pasin.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



# Wanpela waitman kisim PhD digri long UPNG

Aja Alex Potabe i raitim

**WANPELA** waitman bilong Amerika i kisim PhD o dokta digri long Yunivesiti bilong Papua Niugini (UPNG) las wik Fraide.

Namel long 1,230 sumatin bilong UPNG, husat i greduet na kisim kain kain digri pepa long kain skul ol i bin mekim, dispela waitman i wanpela sumatin tasol husat i greduet long PhD o dokteret digri.

Nem bilong en i Don William Niles na em i greduet na kisim PhD digri long Antropoloji na Sosioloji. Na nau ol bai nonap kolim nem bilong en nating tasol ol bai kolim em Dokta Don William Niles.

Dokta Niles em i Ekting Dairekta na Sina Etnomusiologis long Institut bilong PNG Stadis. Na ples bilong en long Chicago, Amerika (USA).

Chicago em i wanpela biknem ples insait long Amerika. Em wanpela stet bilong Amerika, we Barrack Obama i bin sanap sineta o gavana bilong dispela stet bihain long em i kamap Presiden bilong Amerika.

Ol biknem raskol ol i kolim ol mafia tu i bin statim ol stil pasin na pasin bilong mekim bisnis wantaim stil mani na kilim ol man long Chicago tu.

Amerika i gat planti ol biknem yunivesiti olsem Harvard Yunivesiti, Columbia Yunivesiti, Yale Yunivesiti o Yunivesiti bilong Illinois long asples bilong Dokta Niles yet long Chicago, tasol olsem wanem na dispela waitman i kam lus long wanpela ailan kantri insait long Pasifik na kisim PhD digri bilong en long wanpela yunivesiti we ol poroman o lain bilong en long Amerika o Chicago i no save long en.

Dokta Niles em i wanpela stail mangi stret. Yu bai nonap ting em i waitman bilong Amerika bikos em i man bilong kaikai buai.

Em i marit long PNG na em i mangi PNG, maski skin kala bilong en i waitman.

"PNG em i ples bilong mi. Mi no nupela man long hia. Olsem na mi skul na kisim save long ples bilong mi yet," Dokta Niles i katim Tok Pisin olsem.

Bihain long em i bin pinisim skul long Amerika, em i bin kam namba wan taim stret long PNG long yia 1979 na em i kam stap olgeta long hia.

"Mi bin skul long Roosevelt Yunivesiti long Chicago, we mi bin kisim namba wan digri long Antropoloji. Bi-hain long en, mi bin go skul gen long Yunivesiti bilong California, long Los Angeles, we mi bin kisim masta digri bilong mi long Antropoloji na Sosioloji," em i tingim bek na tok.

Long yia 1979, em i bin kisim masta digri bilong en na kam stret long PNG, we em i bin marit na kam stap olgeta.

"Mi kam na laikim dispela ples. Mi maritim meri PNG na nau mi gat planti pikinini na ol bubu tu. Mi kamap sitisen bilong PNG na mi mangi PNG nau. Em i ples bilong mi," Dokta Niles i tok.

Em i maritim Anna Solomon, bipo Edita bilong Wantok Niuspepa, na tupela i gat 5-pela pikinini.

"Mitupela i gat 2-pela pikinini man, 3-pela pikinini meri na 9-pela bubu,"



**DOKTA NILES...Don William Niles bilong Chicago, USA i kisim PhD long Antropoloji na Sosioloji long UPNG las wik Fraide. Poto: Nicky Bernard**

em i tok.

Tasol olsem wanem na dispela waitman bilong Amerika i kisim PhD long UPNG, we dispela yunivesiti i nogat nem insait long Pasifik rijen.

Planti bilong yumi save ting long kisim dispela kain dokta o masta digri long PNG yet i no gutpela bikos kwaliti bilong edukesen na stendet bilong ol yunivesiti bilong yumi em i damblo tru, taim yumi makim o ske-lim wantaim ol arapela bikpela yunivesiti long ausait kantri olsem Australia, Nu Silan, Ingran (UK), Amerika (USA) o Japan.

Wanpela ripot bilong ol top 100 yunivesiti insait long Pasifik rijen tu i bin soim oslem UPNG em i nogat nem insait long dispela rijen bikos em i nogat planti gutpela samting ol arapela yunivesiti i gat.

UPNG i sot long ol gutpela leksara o tisa bilong sumatin, nogat gutpela laibri, nogat gutpela kompyuta o intanet sistem, na nogat gutpela haus bilong sumatin long slip.

Maski ol dispela nogut samting i bagarapim nem bilong UPNG, na planti ol wait manmeri olsem Niles bai pilim hat stret long kam skul long

hia, dispela waitman em i wanpela stailpela man stret.

Em i no bisi long stendet bilong yunivesiti edukesen long hia.

Em inap long go skul long ples bilong em yet long Amerika na kisim gutpela save, we planti bilong yumi save laikim stret long go skul long hap na kisim save.

Wanpela samting Niles i laikim PNG em bikos yumi stailpela manmeri stret. Ples bilong yumi em i stailpela stret, na pasin tumbuna bilong yumi long mekim musik, danis, pilai garamut o kundu long sing sing ples, kain kain stail bilong danis na ol arapela samting we em i painimaut long stadi bilong en i nogat long arapela hap long wol.

"Mi laikim ol dispela gutpela samting bilong PNG musik. Pasin tumbuna bilong yumi long sait bilong musik em i wanepla stailpela stret. Olsem na mi pilim olsem em i moa beta long stap long hia na stadi long hia," Dokta Niles i tok.

Em i bin mekim wok painimaut o risets i go insait long musik bilong ol Hagen.

"Mi bin mekim risets i go insait long

musik bilong ol Melpa long Westen Hailans Provins. Mi bin painimaut ol stail na wei bilong musik na danis bilong ol Hagen," em i tok.

Em i bin mekim dispela wok painimaut long 6-pela yia olgeta, na em i bin skelim musik bilong Melpa wantaim musik bilong ol arapela Hailans ples olsem Enga, Simbu, Jiwaka na Sauten Hailans tu.

Aninit long was na lukluk bilong Dokta Linus Digim'Rina bilong UPNG Antropoloji na Sosioloji Stren, na Alan Rumsey bilong Antropoloji Dipatmen bilong Australian Nesenel Yunivesiti (ANU), Dokta Niles i bin mekim wok risets bilong en long 6-pela yia olgeta.

"Musik em i wanpela samting we yumi bai hat long stap sapos i nogat musik. Musik save tasol mekim laip i stap isi na hamamas save kamap. Bai yu kisim bel isi long musik sapos yu belhat o wari," em i tok.

"Olsem na mi bin gat bikpela laik long stadim PNG musik na sing sing tumbuna bilong yumi. Mi bin mekim wok painimaut i go insait long musik bilong ol Melpa, na mi bin lainim planti samting stret," Dokta Niles i tok.

Em i tok tenkyu long tupela wasman bilong en husat i bin halivim em long pinisim risets bilong en.

Dokta Niles i tok tenkyu long ol famili na pikinini bilong en long sapotim em taim em i bin skul.

"Mi tok amamas long meri bilong mi long planti gutpela samting em i save mekim taim mi skul i stap. Em i bin halivim mi gut tru long kisim dispela PhD digri na mi amamas stret nau long pinisim skul na kisim dispela pepa," em i tok.

Olsem na maski yu wanpela lapun man o meri, edukesen em i no save pinis. Em i save pinis taim yu lusim laip bilong yu long dispela graun na dai.

Dokta Niles em i gat 9-pela bubu na em i wanpela lapun man tasol em i no les long skul.

Em i mekim i go na kisim laspela digri pepa ol manmeri i ken kisim long dispela graun.

Ol yunivesiti bilong yumi insait long kantri tu i no nogut. Ol i gutpela yunivesiti tasol bai yu mekim gut ol samting sapos yu yet i wok hat na strong stret long mekim samting stret.





**Raunwin hamarim Dallas, Texas**

OL bikpela trak i silip tanim nabaut bihain long bikpela raun win i hamaram sauten eria bilong Dallas, Texas long Tunde.

# WOLNIUS LONG POTO



**Oi sapota bilong Aung San Suu Kyi amamas**

OL sapota bilong Aung San Suu Kyi na National League for Democracy (NLD) i selebret ausait long hetkwota bilong NLD long Rangoon, Burma long Sande.



**Nogat rot**

OL pasindia i nogat moa rot long lusim Fiji. Oi i silip long floa bilong Nadi Intanesenel Epot bihain long ol haiwara i pasim ron bilong olgeta ples balus.



**Skai Skrepa opis i paia**



**Oi U.S. Marins kamap long Darwin**

NAMBA wan lain ol Yunaitet Stets Marin Ko i pundaun long Australia na bungim Komandng Jeneral, i bosim ol Marin foses bilong Pasifik, Left-enen Jeneral Duane D Thiessen na Het Implimentesen Tim, na Meja Jeneral Michael Krause, taim ol i kamap long Darwin long Tunde nait.



**CONSORT EXPRESS LINES**  
Leaders in Coastal Shipping in Papua New Guinea.

Consort Express Lines is pleased to announce new **FIXED DAY SAILINGS:**

LAE TO PORT MORESBY, every Friday  
*First effective vessel Niu Ailan Coast v107S*  
*ETD Friday 30/03*

LAE TO RABAU & KIMBE, every Sunday  
*First effective vessel Niu Ailan Coast v108N*  
*ETD Sunday 08/04*

LAE TO KIMBE, every Tuesday (Direct)  
*First effective vessel Papuan Coast v468N*  
*ETD Tuesday 10/04*

For schedules, please visit the Consort Express Lines new website, [www.consort.com.pg](http://www.consort.com.pg) or contact us on **+675 478 3000**.



# Nupela edukesen bilong ol sumatin

**Andrew Molen i raitim**

**STAT long wik i kam bai ol sumatin bilong Holy Rosary Praimeri Skul long Mosbi kisim nupela stail bilong lainim ol samting.**

Skul bai putim ol sumatin bilong ol i go insait long progrem bilong lainim ol skul insait long TV.

Long dispela progrem, ol sumatin bai lukim ol skul wok i kamap insait long TV na mekim bihainim.

Dispela em wanpela progrem bilong Dipatmen bilong Edukesen insait long PNG na dispela bai namba wantaim bilong Holy Rosary long kisim ol sumatin bilong ol i go insait long en.

"Mipela bai statim dispela progrem wantaim ol Gred 8 na stat long Jun bai mipela i kisim i go long ol Gred 7 na 6 tu," Hetmasta bilong skul, Bona Ine'e i tok.

Skul i kisim 4-pela TV pinis we ol bai statim wantaim ol Gred 8 klas bilong ol.

Mista Ine'e i tok dispela nupela kain rot bilong skul bai senisim stail bilong ol sumatin long sindaun tasol long klasrum na harim tisa.

"Dispela nupela progrem bai kamapim nupela senis we i ken mekim ol sumatin i skin kirap long lainim samting taim ol i stap insait long klasrum," em i tok.

Gred 8 sumatin na klas kepten

bilong klas 8C, Peter Jacob, i tok dispela em i namba wan taim bilong kain samting i kamap long skul bilong ol na em i bilip dispela bai helpim ol gut tru.

"Em bai helpim mipela long planti samting na mipela bai save tu long ol samting i kamap long ol arapela hap long wol tu.

"Mi laik tok tenkyu tu long hetmasta, bod bilong skul na ol arapela tisa husat i helpim long kisim ol dispela TV na skul progrem i kam," Mista Jacob i tok.

Gred 8 tisa, Eli Uda, i tok planti long ol sumatin i save stap long setelmen nap les klostu long siti na dispela kain TV progrem em i nupela samting long ol tu na bai kirapim tingting bilong ol long skul.

"Dispela bai helpim ol gut tru na mipela ol tisa tu bai amamas long was na helpim ol gut," em i tok.

Tasol dispela i no wanpela samting tasol Mista Ine'e i laik kamapim bilong Holy Rosary.

Em i kisim helpim pinis long Rotary Club husat ol i givim wanpela nupela laibreri (library) na i wok long kamapim ol wok long bungim mani na mekim moa klasrum bilong skul.

"Mipela i amamas long Rotary Club long givim mipela dispela laibreri we i kam wantaim wanpela wara tenk na nau mipela i laik opim ol na stretim sampela olpela klasrum ma na mekim sampela nupela tu," Mista Ine'e i tok.

Em i tok fri edukesen loa bilong



**LAINIM: Mista Uda i soim ol sumatin bilong 8C long nupela TV bilong ol. POTO: Andrew Molen**

gavman i mekim na planti moa sumatin i go long skul nau.

Wanpela klas i gat 80 sumatin na i nogat spes long moa i kam.

Long dispela as ol i laik opim sampela klasrum i go bikpela na tu sanapim tripela nupela klasrum.

Tasol kos bilong putim ol dispela

nupela klasrum em K250, 000 na ol wok fanresing bilong ol i wok long kamap nau.

Mista Ine'e i tok ol manmeri, mama papa bilong skul, ol bisnis na gavman tu wantaim ol bipo sumatin husat inap long helpim, i mas go lukim ol.

"Nau yet, mipela ol tisa na sumatin yet i bungim K5, 000 na planti moa wok bai kamap yet," em i tok.

Mista Ine'e i tok ol i laik kamapim gutpela skul bilong ol sumatin we ol i ken stap gut na mekim gut skul wok bilong ol.

# UPNG Loa sumatin bai klinim Mosbi Siti

## Sapotim gut ol skul ...4-pela skul long Watut kisim K80,000

**Paulus Tali i raitim**

SAPOTIM gut ol skul pikinini em wanpela bikpela toktok we Minista bilong Nesenel Plening na Monitaring, Sam Basil, i bin autim long ol papamama bilong 4-pela skul long Bulolo Distrik long dispela wik.

Minista Basil i bin wokim raun i go long Watut eria long Wau, Bulolo Distrik insait long Morobe provins long dispela wik long lukim ol skul na givim helpim i go long 4-pela long ol skul.

Ol pipel bilong Watut eria i bin gat bikpela amamas long kisim samting olsem K80,000 manimak long helpim edukesen ol skul long ol pikinini bilong ol.

Dispela manimak em Minista Basil, i bin givim i go long 4-pela praimer skul long Watut i stap long rurel eria, wankain olsem Menyamya.

Tasol Minista Basil i bin mekim wokabaut i go long Watut long wanem, em i lukim olsem edukesen em i bikpela samting long ol pikinini husat wanpela de bai kamap ol lida manmeri bilong dispela kantri.

Long kamap bilong em long Watut, Minista Basil i bin givim K20,000 i go long Maiyanda Luteran Praimeri skul, narapela K20,000 i go long Pararua Praimeri na wankain manimak i go long Hokuwara Praimeri skul.

Long wankain taim tu, Minista Basil i givim wanpela buldosa long stretim Watut rot.

Mista Basil i bin tokim ol

pipel bilong Watut olsem em i bikpela samting long salim ol pikinini bilong ol long kisim gutpela edukesen, na ol papamama i mas yusim gut dispela mani long strongim wok bilong skul, ol haus tisa na ol narapela wok bilong skul.

Long wankain taim, Mista Basil i gat plen long kamapim gut rot bilong kisim sevis i go long Bulolo Distrik.

Em bin tok long wokim wanpela nupela bris long Kamalu we bai kostim moa long K14 milian na narapela K2 milian i go long Warabot long wokim wara saplai insait long Bulolo Taun.

Wanpela edukesen opisa long Bulolo, em Timothy Bailey, i bin tokim ol papamama long noken les long salim ol pikinini bilong ol i go long skul na tu, givim gutpela sapot i go long ron bilong skul.

Em bin autim tok amamas long bikpela helpim we Minista Basil i bin givim long strongim na lukim gutpela ron bilong ol skul long Bulolo Distrik.

Long wokabaut bilong Mista Basil i go long Kaisanuk Praimeri skul, em bin givim narapela K20,000 i go long skul bai helpim long karimaut ol wok bilong em.

Hetmasta bilong skul, Cholai Chakau, i bin tok kamap bilong Minista Basil na helpim we em i givim long skul i bikpela samting we ol papamama, ol skul pikinini na komyuniti i amamas stret long en.

**Aja Alex Potabe i raitim**

OL LOA sumatin bilong Yuni- vesiti bilong Papua Niugini (UPNG) Loa Skul (Law School) bai klinim Mosbi Siti long neks wik Sarere.

Ol bai klinim ol pipia na rabis long Boroko i kam inap Visen Siti long soim ol arapela manmeri olsem Mosbi Siti em i ples bilong yumi olgeta na yumi mas lukautim dispela gutpela siti bilong yumi olgeta.

As tru bilong dispela klin- nap, we Law Students Society bai karimaut, em bilong soim pablik long kamap gutpela manmeri na tambu long tromoi pipia nating nating tasol lukautim gut dispela siti bilong yumi olgeta long stap, wok na skul.

Presiden bilong Law Students Society, Flora Matiabe, i tok ol loa sumatin bilong UPNG i laik soim gutpela pasin long ol manmeri na larim pablik i bihainim dispela pasin bilong ol long lukautim gut environmen na kamap gut olsem tru tru manmeri, i no olsem enimol na mekim nambaut nambaut.

"Dispela em i siti bilong yumi olgeta. Na mipela i laik givim bek sampela taim long klinim dispela ples bikos em i ples bilong yumi olgeta.



**BIKPELA HALIVIM...Daniel Minicus bilong Coca Cola Amatil PNG Ltd i givim 20 katen Mount Franklin kol wara i go long Lucy Marago (namel), siameri bilong Klinap Komiti na Flora Matiabe (Rait-han), presiden bilong UPNG Law Students Society. Poto: Lucy Marago**

Mipela save mekim dispela kain klinap olgeta yia na mipela i mekim bikos mipela laikim stret dispela gutpela ples bilong yumi olgeta," Matiabe i tok.

Matiabe i askim ol kampani o haus bisnis, husat i ting ting long klinim Mosbi siti, long halvim ol sumatin wantaim sampela halivim olsem sponsasip long mani o

arapela samting bikos dispela halivim bai mekim gutpela na bikpela wok tru.

"Mipela i kisim pinis bikpela halivim long Coca Cola Amatil. Ol i halivim mipela wantaim 20 katen 2 lita Mount Franklin kol wara botol. Mipela i amamas long Coca Cola Amatil long dispela halivim," Matiabe i tok.

Siameri bilong Klinap

Komiti, Lucy Marago, i tok tenkyu long Coca Cola taim tupela i kisim dispela wara long Het opis bilong Coca Cola long Gordons las wik.

Ol i askim ol arapela kampani olsem BSP, Telikom, na Digicel long halivim. Husat kampani o manmeri laik halivim i ken kolim Flora long 7364 3319 o Lucy long 343 6667.





Program bilong Wanwan De

**De - Mande - Fraide**

6am - 10am - Sankamap show - Host: Kas.T  
 6:00am - Major Nius Bulletin  
 6:15am - Komuniti Notis Bod  
 6:25am - Taim Bifo - wanpela singsing b'long bifo.  
 6:30am - Nius Hetlains  
 6:45am - Bonde grtins  
 7:00am - Major Nius Bulletin - YUMIFM Nius Senta  
 7:05am - YU TOK - komiuniti awenes program  
 7:15am - WAN 4 DA ROAD - Hit Prediction  
 - niupela singsing  
 7:30am - Tok Pilai - stori b'long putim smail long nus pes.  
 8:00am - Major Nius Bulletin - YUMIFM Nius Senta  
 8:05am - YU TOK - komiuniti awenes program  
 8:15am - "Papa Heni Fuka Show".  
 9:00am - Nius Bulletin - YUMIFM Nius Senta  
 9:15am - Luksave long Komuniti (Radio Pilai) Fraidei

Tasol  
 9:30am - Final aua cruz  
 10am - 3pm - Morin Trek na Belo Pack  
 - Host: Mummy DASH  
 10:00am - Major Nius Bulletin - YUMIFM Nius Senta  
 10:05am - YU TOK - komiuniti awenes program  
 10:15am - Kona b'long yu.  
 10:45am - YUMI PANIM WOK Segment  
 11:00am - Nius - YUMIFM Nius Senta  
 11:05am - YU TOK - komiuniti awenes program  
 11:10am - Lukautim yu yet - Helt toktok  
 11:30am - Nius Hetlains b'long Belo Taim  
 - Laik b'long yu - Niupela singsing previu  
 12:00pm - Major Nius Bulletin - YUMIFM Nius Senta  
 12:05pm - YU TOK - komiuniti awenes program  
 12:10pm - BELO Pack - Belo taim rekwes na dedikesen  
 12:15pm - Komuniti Notis Bod  
 12:20pm - BELO Pack - Belo taim rekwes na dedikesen  
 1:00pm - Nius - YUMIFM Nius Senta  
 1:05pm - YU TOK - komiuniti awenes program  
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius  
 2:05pm - YU TOK - komiuniti awenes program  
 2:45pm - YUMI PANIM WOK Segment  
**3pm - 7pm - Avinun Draiv Taim - Host: Vaviessie**  
 3:00pm - Nius - YUMIFM Nius Senta  
 3:05pm - YU TOK - komiuniti awenes program  
 3:10pm - Avinun cruz  
 4:00pm - NIUS - YUMIFM Senta  
 4:05pm - YU TOK - komiuniti awenes program  
 4:10pm - FOAPELA KAM GUD LONG 4 - foapela singsing  
 4:30pm - Nius Hetlains  
 4:45pm - YUMI PANIM WOK Segment  
 5:00pm - Major Nius Hetlains - YUMIFM Nius Senta  
 5:05pm - YU TOK - komiuniti awenes program  
 5:10pm - 6:00pm - KULCHA Musik (1 hr) skeim lokal musik 6pm - 7pm  
**- NAIT BEAT - Host: Vaviessie**  
 6:00pm - MAJOR NIUS BULLETIN  
 - YUMIFM Nius Senta  
 6:05pm - YU TOK - komiuniti awenes program

6:10pm - 7:00pm Mon kamap sho  
 6:45pm - Komuniti Notis Bod  
 7:00pm - 9:00pm - COCA COLA GARAMUT  
 - Host: Angra Kennedy  
 7:00pm - Nius - YUMIFM NIUS SENTA  
 7:05pm - YU TOK - komiuniti awenes program  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW - Host: Tuluvan  
 Vitz/Talaigu Sopi/Bata Rat  
 00:00 - Early Monin Taim Cruz (ol lain brukim tulait shift)  
 - Musik / Request / Tok pilai  
 - Kipim Kampani long ol nait shift.  
**Wikens - Sarere**  
 6am - 10:00am - Wiken Sanrais Host: Talaigu Sopi  
 7am - 9am - Sarere Monin Cruz  
 9am - 11am - Monin Treks  
 11am - 1pm - National Weekly Hit Parade - Host: Kasty - 1st aua NWHP  
 12:00pm NIUS - YUMIFM Nius Senta  
 12pm - 1pm - 2nd aua NWHP

**Sarere belo cruz - Host: Tuluvan Vitz**  
 1pm - 2pm - Sarere Belo Taim Dedikesen  
 2:00pm NIUS - YUMIFM Nius Senta  
 2pm - 6pm - Sarere Avinun Cruz  
 6:00pm NIUS - YUMIFM Nius Senta  
 6pm - 00:00am - Nait beat  
 7pm - 9pm - Coca Cola Garamut  
 9pm - 00:00am - Nait cruz  
 00:00am - 6am - Brukim Tulait Show  
**Wiken - Sandei**  
 6am - 10am - Wiken Sanrais / Sandei Monin  
 wokabout Musik  
 10am - 12noon - Monin Treks  
 12noon NIUS - YUMIFM Nius Senta  
 12 - 2pm - Sandei Belo Taim Music  
 2:00pm NIUS - YUMIFM Nius Senta  
 2pm - 6pm - Sandei Avinun Draiv Music  
 6pm - Nius - YUMIFM Nius Senta  
 6pm - 8pm - GOSPEL REKWES AJA  
 8pm - 00:00am - Late Nait Cruz - Poroman Aua  
 00:00am - 6am - Brukim Tulait Show  
**Program Director - YUMIFM - Kasty**

**RADIO AUSTRALIA TOK PISIN PROGRAM HARIM LONG: 101.9 FM**

6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Spots  
 7.30PM Nius na Karen Afecas  
 8PM Helt  
 8.15PM Musik  
 8.30PM NIUS  
 8.40PM Spots Riplei  
 8.55PM Musik  
 9PM Stesen Pas

**TUNDE - Moring - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Mama Graun  
 8.15PM Musik/Spots  
 8.30PM NIUS  
 8.40PM Helt Riplei  
 8.55PM Musik  
 9PM Stesen Pas

**TRINDE - Moring - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Focus  
 8.15PM Musik/Spots  
 8.30PM NIUS  
 8.40PM Mama Graun Riplei  
 8.55PM Musik  
 9PM Stesen Pas

**FONDE - Moring - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Youth  
 8.15PM Musik/Spots  
 8.30PM NIUS  
 8.40PM Focus Riplei  
 8.55PM Musik  
 9PM Stesen Pas

**FRAIDE - Moring - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Wantok  
 8.15PM Musik  
 8.30PM NIUS  
 8.40PM Youth Riplei  
 8.55PM Musik  
 9PM Stesen Pas

**SARERE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8.30PM Nius  
 8.40PM Musik/Chit Chat  
 9PM Stesen Pas

**SANDE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Femili Blong Serah (Radio Plei)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Stesen Pas

*Raun wantaim Wantok kru ...*

# Musik Man bai resis

**Nicky Bernard i raitim**

BIKNEM musik man bilong Sauten Hailans, Augustine Emil, i kam long Mosbi long mekim fanraising bilong em. Dispela man, planti lain long Papua Niugini save laik musik na singsing bilong em. Augustine Emil em bilong Sauten Hailans, musik bilong em save karim raun long ol provins

insait long Papua Niugini. Augustine i rekodim sampela CD na keset bilong em pinis, na dispela ol musik bilong save pulim iau bilong planti manmeri na pikinini. Long dispela Fonde, namba 5 de bilong dispela Mun, em bai pilai laiv long Spot inn klab long Pot Mosbi. Sampela biknem musik manmeri bai helpim em tu long dispela nait. Ol biknem olsem Martin Rawali, Brixsie, Betty Toea, Taita

Maraga, Elly Tanduwa, Willie Tropu, Owa Unit na sampela moa ben. Dispela nait Augustine husat save bihain musik bilong long Pot Mosbi. Dispela Fanraising Augustine Emil mekim long helpim em go resis long ileksen long dispela yia. Augutine tok musik em save laikim tasol em tingting long helpim ol lain bilong em tu long ilektret bilong em olsem na em laik resis long dispela ileksen.

Em tok tu olsem dispela fan-raising em mekim, olgeta mani bai go long dispela wokabout bilong em long eleksen. Augustine bai resis long Nipa Kutubu open long Sauten Hailans. Sapos yu manmeri bilong laikim musik bilong Augustin Emil go long Sports Inn dispela fonde na lukim em pilai laiv wantaim ol feveret musik manmeri bilong yu. K30 long tiket sapos yu baim autsait na long get bai yu baim K40



Augustine Emil bai pilai wantaim ol narapela 8-pela musik man meri long dispela fonde nait long spot inn.

**93.1FM YUMIFM National Weekly Hit Parade:**  
 Produced & Host by: Kasty  
 Sathiesi Talaigu Sophie & Poroman Crew  
 Week Ending Saturday - 07th April 2012

Week Before	Last Week	This Week	Charting Song	Artist
1	1	1(4)	Sarefata	Garry Valbusa ft Jaggly
2	2	2(4)	B.K.	Unique ft Jay Rossen
3	3	3	My People	Jah'varuz ft P-Naka
4	4	4	We found love	Jokema
5	5	5	Old Man's Medley	Garry Valbusa
6	6	6	Ovchid V. Lar	Leonard Kania
7	7	7	Satisfy	Silvia Hamil ft Vanessa Pural
8	8	8(5)	Black Baby Leva	Chris Sime ft Nathan Nakiles & Dewey Bones
9	9	9	Fema Nikutua	Tawara ft Gravity / Jason Stone
10	10	10	Why you jusin me go	B.Rad
11	11	11	Angle Girl	Legie Crew ft Isaac Yama
12	12	12	Leva	Kiam Man ft Channel X Crew
13	13	13	Fallen Angel	Walery of Pangha
14	14	14	Kiri	Reggie ft Twin Tribe
15	15	15	Mi Enkim yu stap	Iden-sical
16	16	16	Hidden Valley	Butak
17	17	17	Sidomai	Taha G
18	18	18	Leva	Men-sical ft Webster & Mickey
19	19	19	Kiri O	Channel X Crew
20	20	20	Sunamait	Leonard Kania Jr
Song In:			Nil	
Out:			Nil	

## EMTV Television Guide

**FONDE 5 APRIL, 2012**

5.00 AM G JOYCE MEYER.  
 5.30 AM G TODAY  
 8.30 AM 2012 - CLASSROOM BROADCAST  
 12.00 AM EMTV  
 12.30 PM MIDDAY NEWS AUSTRALIAN NETWORK  
 3.00 PM KIDS KONA  
 3.00 PM HI-5  
 3.30 PM PYRAMID  
 4.00 PM THE SHAK  
 4.30 PM KITCHEN WHIZ  
 4.57 PM EMTV TOKSAVE  
 5.00 PM HOT SOURCE  
 5.30 PM G MILLIONAIRE  
 6.00 PM G NATIONAL  
 7.00 PM G EMTV NEWS  
 7.00 PM G RESOURCE PNG  
 8.00 PM G SOCCER EXTRA  
 8.08 PM G RAIT MUSIK  
 9.00 PM G HOT SPORT  
 9.27 PM EM TV TOKSAVE

**FRAIDE 6 APRIL, 2012**

9.30 PM G ELITE MUSIC ZONE  
 10.30 PM G NATIONAL EMTV NEWS REPLAY  
 11.30 PM - Australia Network -  
 5.00 AM G JOYCE MEYER.  
 5.30 AM G TODAY  
 9.00 PM CLASSROOM BROADCASTS  
 12.00 PM EMTV  
 1.00 PM AUSTRALIAN NETWORK  
 2.00 PM G ONE DAY - (SCG SYDNEY)  
 5.55 PM G CRICKET "Live"  
 6.00 PM G NATIONAL EMTV NEWS  
 6.30 PM G ONE DAY CRICKET - (SCG SYDNEY)  
 10.00 PM G IN MORESBY  
 10.30 PM G TONIGHT  
 11.00 PM G GUINNESS BOOK OF RECORD  
 11.00 PM G NATIONAL EMTV

**NEWS REPLAY - Australia Network -**

**SARERE 7 APRIL, 2012**  
 6.59 AM STATION OPEN  
 7.00 PM ULTIMATE GUINNESS WORLD RECORDS  
 8.00 AM G NAMASTE YOGA: Innovative series combining stunning photography and original music with authentic Hatha yoga practice shot in HD in exquisite settings, each episode teachers a unique flow sequence that will tone your body, calm your mind and inspire you to begin or continue your yoga practice.  
 8.30 AM AUSTRALIAN NETWORK  
 5.00 PM LOVE PATROL  
 5.30 PM THE PACIFIC WAY  
 6:00 PM NATIONAL EMTVNEWS  
 6.30 PM AUSTRALIA'S FUNNIEST HOME VIDEO SHOW.  
 7:30 PM LEGEND OF

**THE SEEKER: A CAPTIVATING ACTION-ADVENTURE TV SERIES - In a mystical land, Richard Cypher discovers his true destiny as he, a mysterious young woman, a wise old wizard and a magical sword take on the evil DarkhanRahl.**

8.30 PM DESPERATE HOUSE WIVES: SOCCER REPLAY  
 9.30 PM NATIONAL EMTVNEWS REPLAY  
 11:30 PM - Australia Network -  
**SANDE 8 APRIL, 2012**  
 6.29 AM STATION OPEN  
 6.30 AM G IT IS WRITTEN  
 It Is Written is an international, Christian television ministry dedicated to sharing insights from God's word with people around the

**world.**

7.00 AM G HILLSONG  
 Join Pastor Brian Houston every Sunday morning as he teaches to changes mindsets and empower people to lead and impact every sphere of life.  
 7:30 AM G CHIT CHAT with Sir Paulias Matane Tune in every Sunday Morning and be inspired by Sir Paulias as hedelivers inspirational stories, including guest interviews.  
 8:00 AM G NAMASTE YOGA:  
 8:30 AM G BLISSFUL BLOSSOM  
 8:15 AM G AUSTRALIAN NETWORK  
 10:00 AM G RESOURCE PNG (REPEAT)  
 11:00 AM G AUSTRALIAN NETWORK  
 1.00PM ONE DAY CRICKET -

# TORO



# BIABIA



# KANAGE



# TOKWIN

## Pulim lain long olgeta hap.

MOSBI siti em ples bilong pulim lain, olgeta hap yu go bai yu lukim lain i stap yet.

Long rot, benk na long stoa bai yu sanap yet long lain. Planti manmeri gat kar long Mosbi siti nau i wok long komplem long wai ol bai kar, dispela long wanem ol save pulim longpela lain long rot long moning na avinun.

Kar long Mosbi em planti tru nau, long wanem i gat planti ol yus kar motos i kam na salim ol kar bilong long liklik prais, i no olsem bipo we sampela ol

bikpela motos tasol i stap. Na tu yumi ken kisim kar long ovasis long liklik mani tu na ol bai salim kam.


Dispela mekim na rot bilong Mosbi i go liklik na liklik olgeta. PMV bas tu i no planti na ol i no save pinis ron bilong ol. Mekim mani hariap i stap long pes bilong draiva na opsait bilong em. Sapos bas i pinis ron bilong em na planti bas liklik, planti manmeri bai no inap wari long baim kar bilong ol yet, ol bai kisim bas go kam long wok na skul na dispela bai helpim rot bilong Mosbi bai no inap pulap long kar.

## Pinisim skul tasol bai gat spes o nogat?

MOA long 1000 manmeri samting long Yuni i kisim pepa bilong ol long Fraide wik i go pinis, tasol bikpela askim nau bai stap long ol long ple sbilong wok.



Planti manmeri husat i kisim pepa bilong ol em ol wok manmeri long sampela dipatmen bilong gavman na kampani. Ol dispela lain ating bai ol i orait liklik, tasol sampela ol nogat wok na ful taim long skul dispela bai liklik hevi tasol ol bai kisim long panim ples bilong wok.

Gavman bai lukluk long dispela o bai yumi wok long strong bilong yumi long painim wok wantaim dispela hap pepa yumi ksime aste tasol.




Pahim ol white bilong jor Tokwin

PULJIB DAL	BULI	FRI MET	COLT
GOLKIPA	HITAUT	INA	LINKE
OPSAIT	PERALTI	PITS	PUS
STIK	SKUP	TAKOL	SWIPA
WENKA	REKSTIK	LEK DAL	FLEK
BAL	FOWET	BEKS	XJONGBEK



Ansa bilong las wik Sudoku

Ansa bilong las wik Pasol



# EMTV Television Guide

5:00 PM	PACIFIC WAY NATIONAL EMTV NEWS	3:00 PM	NETWORK KIDS KONA HI-5	8:00 PM G	DAYS THAT SHOOK THE WORLD..	6:00 PM G	NATIONAL EMTV NEWS	
6:00 PM G	ONE DAY CRICKET -	3:00 PM	PIYRAMID	9:00 PM G	TBA	6:30 PM G	ONE DAY CRICKET -	
6:30 PM	LOVE PATROL	3:30PM	THE SHAK	10:00 PM G	NATIONAL EMTV NEWS REPLAY	10:00 PM G	THE WORLD AROUND US	
9:00 PM G	MOVIE:	4:00 PM	KICTHEN WHIZ	11:00 PM-Australia Network-		11:00 PM	NATIONAL EMTV NEWS REPLAY	
9:30 PM		5:00 PM	HOT SOURCE					
11:00 PM G	CHIT CHAT(Repeat)	5:30 PM	MILLIONAIRE	12:00 AM	<b>TRINDE 11 APRIL, 2012</b>			
11:30 PM G	HILLSONG(Repeat)	6:00 PM G	HOT SEAT.	12:30 PM	5:00 AM G	JOYCE MEYER.	11:30 AM	- Australia Network -
11:35 PM G	NATIONAL EMTV NEWS REPLAY	7:00 PM	NATIONAL EMTV NEWS	3:00 PM	5:30 AM G	TODAY		
00:35 AM	- Australia Network -	8:00 PM	RESCUE SPECIAL OPS	3:00 PM	9:00 AM	CLASSROOM BROADCASTS		
<b>MANDE 9 EPRIL, 2012</b>				3:30PM	12:00 PM	EMTV MIDDAY NEWS		
5:00 AM G	JOYCE MEYER.	8:00 PM G	TOK PIKSA	4:00 PM	1:00 PM	AUSTRALIA NETWORK		
5:30 AM G	TODAY		<i>Looking back at News and stories makings headlines in the country</i>	4:30 PM	2:00 PM G	ONE DAY -		
9:00 AM	2012 - CLASSROOM BROADCAST	9:00PM G	<i>Starts for the Year 2012.</i>	5:00 PM				
12:00 AM	EMTV MIDDAY NEWS		<b>DAYS THAT SHOOK THE WORLD:</b>	5:30 PM				
12:30 PM	AUSTRALIAN	10:00 PM G	THE WORLD: NATIONAL EMTV NEWS REPLAY	6:00 PM G	4:45 PM	EMTV TOKSAVE CRIME STOPPERS		
		11:30 PM	- Australia Network-	7:00 PM G	5:55 PM G			

Program bai senis long taim bilong en..



# Raun wantaim Kanage olgeta wik



**NEM:** Ludwick Monduk  
**KRISMAS:** 25 (man)  
**ADRES:** C/- Clerance Kombukun, PO Box 302, Kimbe, West New Britain Provins  
**SAVE LAIKIM:** Rit, mekim pani, wok, pilai, harim musik, lukim TV na mekim poroman.

**NEM:** Monita Raio  
**KRISMAS:** 22 (meri)  
**ADRES:** Lae Ever Green, PO Box 167, Lae Morobe Provins  
**SAVE LAIKIM:** Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

**NEM:** Womie Ben- Efore  
**KRISMAS:** 26 (man)  
**ADRES:** C/- Christ For The Nations, PO Box 1332, Lae, Morobe Provins PNG  
**SAVE LAIKIM:** Lainim tok ples, senisim presen, harim musik, gaden na painim wanpela poromeri long stap wantaim oltaim.

**NEM:** Aweqwii de Paps  
**KRISMAS:** 24  
**ADRES:** K- Toro Hire Cars, PO Box 111, Vanimo, Sandaun Provins  
**SAVE LAIKIM:** Go Lotu, ritim ol buk o niuspepa na mekim pren.

**NEM:** Gitfty Ocloo  
**KRISMAS:** 34 (meri)  
**ADRES:** PO Box 35, Agona Nyakrom, Ghana - Phn: 0023354787139  
**SAVE LAIKIM:** Raitim pas, painim wanpela man long maritim na stap wantaim oltaim.

**NEM:** Shirley Hori  
**KRISMAS:** 18 (meri)  
**ADRES:** Marinumbo Primary School, PO Box 352, Wewak, East Sepik Provins  
**SAVE LAIKIM:** Harimm, danis, kuk, wasim klos, pilai spots, Go Lotu, mekim pani na go swimming

**NEM:** Sharon Tatapai  
**KRISMAS:** 15 (meri)  
**ADRES:** Yaraka Memorial School, PO Box 532, Kavieng, New Ireland Provins  
**SAVE LAIKIM:** Go Lotu, lukluk CD na pilai spots.

**NEM:** Nasain Calvin  
**KRISMAS:** 14 (meri)  
**ADRES:** Yaraka Memorial School, PO Box 532, Kavieng, New Ireland Provins  
**SAVE LAIKIM:** Pilai Spots, Go Lotu, Lukim CD na rit planti

**NEM:** Karl Pewa  
**KRISMAS:** 30 (man)  
**ADRES:** Semoroks Gospel Club, PO Box 3368, Lae, Morobe Provins.  
**SAVE LAIKIM:** Stap wantaim Jisas, Pilaim gospel musik na laikim kristen Luteran meri o arapela sios meri husat igat strongpela tingting long pilaim musik bilong God.

**NEM:** Darren Calvin  
**KRISMAS:** 15 (man)  
**ADRES:** Yaraka Memorial School, PO Box 532, Kavieng, New Ireland Provins  
**SAVE LAIKIM:** Lukim CD/Pilai Spots na Ridim buk

## Kanage i wokabout

WANPELA taim Kanage i stap long Erave na wokabout i go long Kagua. Turangu nogat mani long baim PMV so em kilim skin long wokabout long lek.

Tuhat na sun kukim em tasol em i go yet. Namel long rot, em i lukim tupela pisin i stap long diwai, Kanage kwik taim tasol em i kisim sling sot na em sutim tupela pisin. Long wanpela ston tasol em i sutim tupela pisin i go daun. Em kisim tupela pisin na em stat long wokabout. Taim Kanage i wokabout i stap, wanpela kar i kam. Kwik taim tasol Kanage i stopim kar ya na em i kam stop.

Driva i kirap na askim Kanage, Why did you stop the car? Don't say, why did, me laikim kar. For what reason? Hire bases, yu laik to see me gat tupela pisin i hat long karim. Draiva i kirap na askim Kanage. How much for hire? Kanage kirap na tokim driva ya, hayarim long wan silin tu silin.

Kanage putim tupela pisin long beksait long kar na ol tek op i go. Taim kar i ron i go yet, foapela taya



bilang kar i pans. Kwik taim tru driva i kam ausait long kar na askim Kanage; hey! Yu karim sampela malala o skin diwai na mekim o? Kanage kirap tokim driva ya, "luk, hevi bilong tupela pisin ya i mekim i winim hevi bilong tupela kau, na matala bisnis. Yu blem the two pisin. Yu dispela a driva i ekting stret na yu putim gia bilong yu long 60 i go ap 20 rives ya na foapela taya bilong yu pans i go daun". Kanage kirap na tokim driva ya, Driva olsem em right ah?

Yu kisim taim tu, mi tu kisim taim tu na ikwals Bam Bam— Driva i belhat na em i rausim Kanage i go daun long kain toktok bilong en.

**Martin Ipitango**  
**Galu Erave**  
**S.H.P**

## ELEPHANT NA RAT

Kanage em bilong ples Africa. Ol-

geta lain Africa i save lukautim ol kain kain animol. Na itambu long kilim animol bilong narapela wanples. Kanage gat wanpela elephant. Tasol wanpela taim nau, elephant dai. Em i wari nogut tru na em askim sif bilong ples long bungim ol biklain na askim husat kilim elephant bilong Kanage.

Nait nau olgeta i bung tasol olgeta nogat save husat kilim elephant bilong Kanage. Tasol wanpela lapun man kirap isi tasol na tokim ol. "Mi lukautim rat bilong mi klostu 5-pla mun nau na em i tokim mi olsem em i gat bel. Long bik moning rat i go lukim elephant bilong yu, Kanage na tokim em olsem, EM PAPA BI-LONG BEBI.

**KOKO GEREHU**

**Ol skwat!**  
**Salim ol gutpela Kanage tok pilai i kam long:**  
**Kanage Tok Pilai**  
**P.O. Box 1982,**  
**Boroko, NCD**  
**Port Moresby.**  
**Email: atolire@wantok.com.pg**

# Mi no laik kamap namba tu meri

## Dia Laipain

MI WANPELA mama bilong 4-pela pikinini. Em tripela yia nau taim man bilong mi i lusim mipela long stap long ples bilong em long narapela provins. Mi no harim wanpela tok i kam long em na mi wok long painim hat long lukautim ol pikinini bilong mitupela.

Mi gat bikpela bilip long God na mi putim olgeta hevi na wari bilong mi go long han bilong en na long bekim, God i helpim mi wantaim planti ol hevi bilong mi.

Long liklik taim i go pinis, mi bungim wanpela man husat i sore long sindaun mi stap long en. Long taim mi save long em na bihain long skelim em gut, mi painim olsem mi laikim em tru.

Hevi em, em tu i marit. Dispela man i askim mi long maritim em na long kamap namba tu meri bilong en we mi bai lukautim pikinini bilong mi na lukautim tu ol pikinini bilong em yet.

Dispela bai wok long em, long lukautim tupela meri na olgeta pikinini? Mi wok long traim long noken lukim em na traim tu long brukim dispela prensip bilong mitupela tasol em laik maritim mi yet.

Mi pundaun long dispela samting na dispela i banisim Kristen laip bilong mi.

## Mi Paul Stap.

### Dia Pren,

Tenkyu long rait i kam long Laipain. Mipela sore long harim olsem man bilong yu i lusim yu wantaim ol pikinini long go stap long provins bilong em yet. Yu no harim wanpela tok long em na



nau yu pilim yu kirapim laik long narapela man husat i sore long yu na ol pikinini bilong yu.

Dispela man i askim yu long maritim em na bai yu kamap namba tu meri bilong em. Na bai yu lukautim pikinini bilong yu wantaim ol pikinini bilong em tu.

Yu olsem Kristen i pilim olsem dispela kain prensip o marit bai i no nap wok bikos em bai gat tupela meri long lukautim wantaim planti pikinini. Olsem na yu wok long traim long noken lukim em na askim em long pinisim prensip tasol em laikim yu long kamap namba tu meri bilong em.

Yu ting long maritim dispela man yu bai rausim olgeta hevi bilong yu? Yu tingim tu olgeta wok yu bai mekim long lukautim meri bilong em, pikinini bilong tupela na pikinini bilong yu yet?

Mipela i tingim pilings bilong yu olsem yu les long stap yu wan na hevi yu wok long bungim taim yu lukautim pikinini bilong yu.

God i bin gutpela long yu olsem yu yet i tok. Mipela i strongim yu long go long ol felosip bilong ol meri na raun wantaim ol arapela na strongpela Kristen meri. Mipela save olsem gutpela Papa bilong yumi bai i no nap mekim yu sore.

Yu traim long painim aut long ol pren o wantok long we man bilong yu stap? Em bai inap sapos yu ken go long ples bilong em long painim aut yu yet o nogat?

Mipela i strongim yu long go long sios pasto bilong yu na askim long stia taim yu wetim samting yu bai mekim nau.

Mipela laik strongim yu long pre long God long helpim yu long pinis lukim dispela man, na long helpim yu strongim prensip bilong yu wantaim ol sios wok na kisim bel isi wantaim ol Kristen pren.

Mipela i bilip olsem sapos yu stap wan long yu yet moa long ol Kristen pren o long sios, yu bai gat tingting long mekim ol rong disisen.

Baibel i tok insait Romans Septa 8 ves 28, "Na yumi save insait olgeta samting, God i wok long gutpela bilong ol husat i laikim em, husat i kisim singaut long karim aut wok bilong em."

Wok bilong God i gutpela long ol pikinini bilong em taim yumi wokabout bihainim toktok bilong em na olgeta samting i kamap long taim em yet givim (Ecclesiastes Saptu 3 ves 1).

**Laipain.**

**Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.**

**Laipain**



**Liklik Bisnis...**

# Mama salim kuk kaikai long helpim Skul

**Nicky Bernard i raitim**

WANPELA mama i salim kuk kaikai long helpim mekim klasrum bilong pikinini meri bilong em kamap gut.

Hauda Seri em meri Barakau insait long Sentral Provins tasol em bikipela long Rabaul, em gat tupela pikinini bilong em skul long

wanpela Katlik praimer skul long Waigani.

Long dispela yia em go lusim pikinini bilong em long skul na em lukim olsem liklik pikinini meri bilong em na ol wan klas bilong em sindaun aniti long wanpela mago diwai na lainim ol skul wok bilong ol.

Dispela i krapim tingting bilong dispela meri papua long mekim liklik bisnis long helpim putim wol long liklik klas rum bilong pikinini meri bilong em na ol wan klas bilong em.

Hauda save kukim rais na miksimum wantaim ol kerot, bin na kumu na sampela abus tu go antap na em save karim go long skul bilong pikinini bilong em.

Em save salim long K1

tasol, dispela rais bilong em save pinis long 10 kilok moning yet, olgeta dispela mani em kism save go stret long wanpela tisa suster long holim dispela mani.

Dispela liklik bisnis bilong Hauda i pulim planti tingting bilong ol mama husat ol pikinini bilong save skul wantaim pikinini meri bilong em, olsem na olgeta mama stat long mekim liklik bisnis ya go strong moa yet.

Wanpela de Hauda save mekim 80 o 100 kina long kuk bilong em, Hauda yet i tok em bel sore taim em lukim pikinini meri bilong em na wan klas bilong sindaun olsem, dispela kirapim tingting bilong em long mekim liklik samting olsem long helpim skul.



## “DISPELA EM I PABLIK TOKSAVE BILONG OLGETA KENDIDET BILONG OL NESENEL NA LOKOL LEVEL GAVMAN ILEKSEN”

### “OL FI NA SAS BILONG NOMINESEN”

Olgeta kendidet i tingting long resis long Nesenel na Lokol-Level Gavman Ileksens i mas luksave long ol dispela:

Olgeta intending kendidet i mas peim ol nominesen fi bilong ol long wanwan Provinsal o Distrik Tresari Opis we ol i tingting long resis.

Ol intending kendidet i mas peim ol nominesen fi long ol Provinsal o Distrik Tresari Opis, ol Provinsal Tresari Akaunten o ol opisa bilong Kism ol Pablik Mani ausait long ol dispela Provinsal na Tresari Opis we ol kendidet i tingting long resis bai no inap long orait.

Ol Fi na Sas bilong ol intending kendidet i olsem:


OL NESENEL PALAMENTRI ILEKSEN	K1000.00
OL LOKOL LEVEL GAVMAN ILEKSEN	K 200.00

Ol koleksen bilong ol nominesen fi long ol pemen i kam long ol intending kendidet i ken kam bihain long ol rit pepa i go aut long Epril 27, na pastaim long pasim bilong nominesen long Me 4, olsem i stap long toksave bilong PNG Ilektoral Komisn long wanwan Provinsal o Distrik Tresari Opis, ol Provinsal Tresari Akaunten o ol Risiva o lain i kism, na ol Kolekta bilong pablik mani.

Pablik i mas luksave olsem wanwan risip fom i go long ol kendidet i peim fi bilong ol bilong ol Nesenel Palamentri Ileksen na Lokol Level Gavman Ileksen, na i karim siknesa na stem bilong kolekting opisa (Kolekta bilong Pablik Mani) i mas gat ol dispela stori bilong en:

- De bilong kism pemen.
- Ful nem bilong kendidet i mekim pemen.
- Ful nem bilong Ilektoret em i resis long en.
- Ful manimak bilong olgeta fi ol i raitim na namba.
- Ful aidentiti o disklosa o tokaut long Winmani Het/Vot.

Tok Orait i kam long:

  
**ANDREW S. TRAWEN, CMG, MBE**  
 ILEKTORAL KOMISINA

# Hides 4 papagraun opim LNG Projek

**Aja Alex Potabe i raitim**

**PNG LNG Projek bai go het na i nogat as long gavman long salim ami o polisman i go antap long was long ol projek eria long Hides, ol Hides 4 papagraun i tok.**

Ol projek wok long Hides 4 PDL 7 bai nau go het bihain long ol papagraun i bin stopim wok long Mas 10 bikos long gavman i no bin bihainim sampela agrimen.

Gavman i laik salim ami go antap long was long projek sait tasol, mausman bilong Hides 4 PDL 7, Andy Hamaga, i tok nogat wanpela bikipela asua i bin kamap long hap.

“Gavman mas bihainim agrimen. Mipela i nau opim projek gen. Olsem na mipela i laikim gavman long wok-bung wantaim papagraun na kampani long stretim dispela hevi bikos i no gutpela long yumi pasim o stopim dispela namba wan projek,” Hamaga i tok.

Aninit long UBISA na LBBSA agrimen, Hamaga i tok, gavman inap long peim K100 milian long ol Hides 4 papagraun.

“Mipela inap long yusim dispela mani long muvim Para Praimer skul i go long

narapela hap bikos em i stap namel long Welhet na Ges Kondisening Plent, na nau ol i tanim dispela skul i go long maket bikos nogat tisa na sumatin i stap.

“Mipela inap long putim nupela wara saplai bikos projek bagarapim wara. Na Para Aid Pos mas kamap bikipela haus sik,” Hamaga i tok.

Antap long dispela, Hamaga i tok, gavman i no bihainim agrimen long:

- stretim ol manmeri, husat i lusim bus, graun na wara long larim disepela projek i kamap;
- peim gut mani bilong bus, graun na wara inapim 250 hekta;
- soim Nesenel Kontent Plen bilong LNG Projek;
- tokim Dipatmen bilong Komes na Indastri long givim bisnis ripot bilong ol papagraun kampani; na
- kism ol manmeri long wok na trening.

Em i tok gavman mas kamapim wanpela wok komiti long stretim dispela asua bikos dispela projek em i namba wan projek long kantri na i no gutpela long ol i stopim nating, na tu gavman i mas bihainim loa na ol agrimen bilong dispela projek.





# GLASIM RAMU NICO PROJEK



*Wanpela Ramu NiCo, Wanpela Komuniti*

## 2012 Kwatali Riviu Miting bilong Ramu Projek stat gut

**BIKPELA as tingting bilong Ramu NiCo Menesmen (MCC) Limited wantaim olgeta stekholda em long wok bung wantaim na bringim kamap gutpela sevis i go long ol papagraun bilong Ramu Project na pipel bilong Madang provins.**

Olsem na ol stat wantaim Kwatali Riviu Miting 2012 long mun Februari long dispela yia.

Dispela Konsaltiv Miting em long promotim na strongim wok bung namel long ol bikpela stakeholda bilong Ramu nikel/kobalt project.

Displa kain miting bai i givim gutpla tingting na luksave long wanem ol wok em ol i ken wok bung wantaim na kamapim aninit long MOA na ol arapla agrimen we bai givim stret gutpela helpim i go long ol pipel.

Long displa as-tingting tasol, namba wan konsaltativ kibung namel long mausman bilong Madang Provinsal Gavaman na Ramu NiCo menesmen bilong wanwan mun i bin kamap long Fonde bilong mun Jenuari dei 16 long bikpela opis bilong Ramu NiCo long Madang.

Bikpela tingting long kamapim dispela miting i bin kamap long taim bilong MOA riviu las yia taim ol stakeholda i bin lukim wanpela bikpela luksave long kain miting we bai i kamapim strongpela lidasip na komitmen we provinsal gavman na kampani i ken wok bung long kamapim ol wok ananit long MOA.

Long dispela nambawan kibung, ol lain bilong provinsal gavman em man i go pas, deputi provinsal edministreta Koporet Sevis, Paul Ito na ol wok man bilong Ramu NiCo wantaim man i go pas em Jeneral Menesa bilong Komuniti Afes, Martin Paining i bin bung long Madang.

Long dispela bung, ol i pasim toktok long ol bikpela projek aninit long MOA na kain pasin ol i bai luksave long wok bung wantaim long

mekim dispela ol MOA komitmen i karim kaikai stret.

Narapela bikpela konsaltativ miting me i bin kamap namel long Februari 28 i go pinis long Mas 2 dispela yia, we ol i kolim Ramu NiCo Kwatali Riviu Miting we i bin kamap long Madang. Minerel Risos Atoriti (MRA) i bin ogenasim displa miting na ol stakeholda i kamap em; 4-pela lenona asosiesin eksekutiv bilong Kurumbukari (KBK) LOA, Basamuk LOA, Maigari LOA, Wass Matau LOA. Ol narapela kamap tu em ol mausman bilong Madang Provinsal Gavman na Nesanel Gavman.

Long displa miting, Darekta na Eksekutiv Vais Presiden bilong Ramu NiCo Projek, Mista Gu Yixiang i givim ripote bilong projek na tok tu olsem projek komisnin i klostu pinis na Ramu NiCo bai stat long karim aut wok operesen klostu taim.

Long displa miting tu, Sif Teknikol Darekta, Dr. James Wang i givim ripot long Operesen Environmen Monitoring Progrem (OEMP) we i karamapim wanem wok i kamapim long sait long riha-bilitesen, wok painim aut long wara, wesana ananit long wara, menesmen bilong ol pipia na karim aut wok painim aut long ol abus ananit long wara insait long yia 2011.

Dr James i tokim ol stakeholda olsem monitorin program bilong displa yia, 2012 bai karamapim ol win quality, dus na nois, DSTP, weist menesmen, abus ananit long wara, quality bilong wara we olgeta i stap ananit long sab-plen bilong OEMP we gavman i bin i givim tok-orait pinis.

Long displa kibung tu, Komuniti Afes Jeneral n Manesa Martin Paining i wokim wanpela presentesen long sait bilong ol guds na sevis we Ramu NiCo i bin givim olsem bisnis i go long ok lokel lenona kampani na ol narapela kampani bilong PNG na ol lokel suppliers tu.

Martin i tok tu olsem

Ramu NiCo i bin implemen-tim pinis ol komitmen ananit long MOA olsem SEDP, relokasin na ol narapl sosel program. Em i tok tu olsem Ramu NiCo i bin kompletim ol narapla sosel program arasait long luksave bilong MoA we i makim moa long hap million Kina.

Bihain long ripot bilong Mista Paining, ol arapela in givim ripot bilong ol. Ol dispela stekholda em Raibus Limited, Basamuk Entaprais Limited, Kurumbukari Limited na Wass-Matau Limited.

Ol lenona kampani em Ramu NiCo i bin sampela mani long long wanwan olsem mani wantaim nogat interest long kamapim bisnis bilong ol long taim bilong konstraksen bilong Ramu NiCo Projek.

Long mun Jenuari bilong displa yia i lukim tu nambawan miting namel long ol 4-pela LOA siaman na eksekutiv bilong ol wantaim Ramu NiCo menesmen long kamapim wok bung wantaim.

Ol displa bung namel long Ramu NiCo na ol bikpela stakeholda em i bikpela luksave namel long ol yet we ol i gat bikpela as tingting long wok klostu na bung wantaim we i bai luksave olsem ol helpim aninit long MOA na ol narapela komitmen i go stret long ol papa graun na ol pipel bilong Madang.



Executive Vais Presiden blo Ramu NiCo, Mr. Gu i toktok long Kotali Riviu Miting



Lima Mulung, Siaman bilong Basamuk LOA i tok tenkyu long Ramu NiCo long taim bilong Ramu NiCo Kotali Riviu Miting



Konsaltativ miting namel long Ramu NiCo na Madang provensol gavaman

**RAMU NICO**

### Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisninim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisnin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**'Wanpela Ramu NiCo, Wanpela Komuniti'**

**MCC**



# CPL mekim pepa long kunai gras na banana

## Aja Alex Potabe i raitim

**KUNAI gras na banana diwai bai i no long taim kamap samting bilong mekim mani o long tok Inglis ol i kolim komoditi.**

Bihain long wanpela kampani bilong PNG yet, City Pharmacy Limited (CPL), i painimaut wei bilong yusim kunai gras na banana diwai long mekim pepa, dispela tupela samting bai kamap komoditi olsem diwai, gol, kopa, na kaikai bikos tupela bai no moa kamap samting nating.

I no long taim bai yumi lukim ol man bai nonap kukim kunai gras nating na katim na tromoi banana diwai nating, tasol ol bai salim na mekim mani long dispela tupela samting.

Siaman bilong CPL grup, Mahesh Patel, i bin painimaut long mekim pepa wantaim kunai gras na banana las yia. Em i bin wanbel long mekim dispela pepa na i bin statim wanpela liklik fektri bilong mekim pepa long het opis bilong ol long Gerehu Stet 6.

Dispela fektri em i no bikpela fektri we yu bai lukim ol bikpela masin na kain kain samting i stap. Em i nogat kompyuta na pawa long mekim ol wok olsem long ol bikpela fektri.

Tasol dispela kunai gras pepa fektri i gat ol liklik samting olsem dram, baket, paiawut, kunai gras, banana diwai, kol wara na sampela kemikel olsem kostik soda na blis.

Ol i no save yusim pawa o komputa long mekim wok. I gat 7-pela manmeri husat i save mekim olgeta wok wantaim han. Dispela kain wok bai nonap kamapim klaimet senis birua bikos ol i no save yusim kain kain kemikel na marasin bilong bagarapim ples.

*Wantok Niuspepa* i bin kirap nogut taim em i bin lukim dispela nupela samting kamap long hia. Kain samting bilong mekim nupela samting planti bilong yumi save ting em i samting bilong ol waitman tasol.

Nogat, nau sapos dispela

liklik fektri bilong mekim pepa i groa moa, em i ken kamap wanpela bikpela industri we, em bai larim moa manmeri wokmani na kamapim arapela nupela samting long kunai gras pepa.

Long mekim kunai gras pepa, namba wan samting ol i save yusim em i kunai gras na banana diwai. Ol wokman i save go pulim kunai gras long Sogeri na karim i kambek long fektri. Ol i save kisim banana diwai klostu long Gerehu tasol.

“Ol i save katim kunai gras na banana diwai i go liklik stret na ol i save paitim patim o bitim i go liklik stret. Ol liklik rop o faiba bilong banana i strongpela tru long holim strong ol lus samting bilong kunai gras. Olsem na ol i save miksim banana wantaim kunai gras long kamapim strongpela paper,” Maketing Menesa bilong CPL Grup, Prue Go, i tok.

Taim ol paitim banana i go liklik moa tru, ol i save mekim tupela samting. Sapos ol i laikim kala bilong pepa long

kamap wait, ol i save kukim o miksim banana wantaim wanpela kemikel ol i kolim blis.

Blis em i wankain olsem blis o snowait bilong wasim klos na rausim deti bilong ol waitpela klos. Dispela wankain blis ol i save yusim long kukim deti na senisim kala bilong banana, na mekim banana i go wait moa stret we em bai kamapim waitpela pepa stret.

Tasol sapos ol i no yusim blis tu, i nogat wanpela samting. Ol i ken mekim pepa tasol kala bilong pepa bai kamap lait braun.

I gat wanpela liklik masin ol i save yusim long brukim na paitim gras na banana i go liklik. Dispela masin em ol i kolim Biting Masin (Beating Machine).

“Insait long masin, ol i save tanim wantaim wanpela kain kemikel ol i kolim kostik soda. Ol i miksim pinis wantaim kostik soda na ol i save kukim gen wantaim kostik soda insait long wanpela dram.

“Ol i no save yusim pawa tasol yusim paiawut long

kukim o boilim miks bilong banana na kunai gras. Bihain long ol i kukim pinis, ol i save rausim miks bilong banana na kunai gras i go aut na putim insait long baket. Dispela proses em i ol i kolim baketing (Bucketing),” Prue i tok.

Long baket, ol i save putim i go antap long ol liklik trei o bot ol i bin mekim wantaim liklik laplap na plaiwut. Ol i save kapsaitim dispela miks bilong banana na kunai i go insait long dispela laplap.

Dispela lapalap i gat ol liklik hul we wara i save ron go ausait na i go daun long bikpela bokis ol i mekim long plaiwut.

Taim wara i go ausait pinis, ol i save miksim banana na kunai wantaim narapela kemikel ol i kolim niuri (newri) o narapela nem bilong ne i CMC. Dispela kemikel i save holim strong ol banana rop o faiba wantaim kunai gras na kamapim pepa.

Ol i miksim pinis na save larim em drai long san. Taim wara i kamaut pinis, na samting i drai gut, em i kamap

pepa pinis nau.

Prue i tok dispela projek em i hanmak bilong Siaman bilong CPL Grup, Mahesh Patel, na em i kamap long liklik mak tasol.

Em i tok taim ol i mekim namba wan pep alas yia yet, ol i yusim long pasim ol samting olsem presen o gift long givim long narapela poroman.

“Planti manmeri i lakim dispela pepa bilong yumi yet stret. Em i gutpela pepa tru long pasim ol samtin olsem presen. Long amamas de bilong ol mama o papa, planti manmeri i wok long baim kunai pepa long pasin presen bilong mama na papa bilong ol,” Prue i tok.

Em i tok kunai pepa em i strongpela na gutpela pepa tru.

“Sapos gavman i lukim dispela sans na givim moa mani long kamapim dispela olsem wanpela bikpela industri long kantri, orait dispela i ken kamapim planti gutpela samting,” em i tok.



**KUNAI GRASS...Em i samting bilong mekim pepa.**



**KUKIM....Kukim kunai gras wantaim kostik soda na wara long paia.**



**BITING MASIN...Masin bilong paitim paitim o bitim kunai na banana diwai i go liklik stret.**

## SEVIM BIKPELA MONI LONG BALUS

Port Moresby	↔	Lae	K 199
Port Moresby	↔	Mt. Hagen	K 289
Port Moresby	↔	Alotau	K 249
Port Moresby	↔	Popondetta	K 169
Lae	↔	Goroka	K 99
Kimbe	↔	Kokopo	K 129
Lae	↔	Madang	K 89
Madang	↔	Port Moresby	K 239
Goroka	↔	Mt. Hagen	K 129
Kimbe	↔	Lae	K 249
Kokopo	↔	Lae	K 269
Port Moresby	↔	Brisbane	K 379
Port Moresby	↔	Canberra	K 719
Port Moresby	↔	Sydney	K 719
Port Moresby	↔	Melbourne	K 719

Pei bilong balus em bilong wanpela wei tasol na dispela bai kamap narnel long 23rd April 2012 na 19th June 2012. Ol nul stap.

Taim bilong salim tiket em long 4th April Igo inap long 15th April 2012.

**Liklik spes tasol istap**

Kolim 16111 (long digicel fon bilong yu) or yu ken visitim websait bilong APNG [www.apng.com](http://www.apng.com)

PORT MORESBY	- Level 1, Pacific Place, 321 3400
MT. HAGEN	- Central Highlands Printers, 542 0662 - Kagamuga Airport, 542 2732
LAE	- Micro Bank Haus, Fifth Street, 479 5980
POPONDETTA	- Top Town (opp. Memorial Park), 629 7638
ALOTAU	- Preston White Street, 641 1288
GOROKA	- Airport, 532 2532
TABUBIL	- Airport, 649 9171
KIUNGA	- Airport, 649 1125
MADANG	- Global Travel, 422 0011
KIMBE	- Travel Line Limited, 71742306
RABAUL	- Rabaul Hotel, 982 1999

**Airlines PNG**  
COME FLY OUR WAY





**OL BIKPELA MANGI:** Tupela fowet bilong Vipers, Leeroy Kome (lephan) na Samuel Koim i kamap long lonsing bilong Vipers long Mosbi dispela wik Trinde. Tupela i redi long pilai long Digicel Kap resis dispela yia. *POTO: Andrew Molen.*



**YANGPELA TIM:** Nawae Jalvans tim we i bin stap insaitl ong Alexandro kap kopret kriket resis long Alotau las wik. *POTO: Cricket PNG.*



**PASIM EM:** Wanpela pilaia bilong Dlgara i laikpasim birua bilong em bilong Paul Paraka Lawyers long Praivet Kampani netbol resis bilong ol las wik Sande long Mosbi. *POTO: Andrew Molen.*



**RON:** Winga bilong Brothers i painim rot long ronawe long banis bilong ol Dragons las wik Sande long Mosbi ragbi lig resis bilong ol. Brothers i win 56-4.

**TOKSAVE:** Salim ol spots dro bilong yu kam long Feks; 325 2579, e-mel;[amolen@wantok.com.pg](mailto:amolen@wantok.com.pg) o kam lusim long Wantok Niuspepa opis long Central Waigani, NCD.



# Pilai dat

**S**APOS yu no laik hatwok long ron insait long san na kikim o tromoi bal i go kam o kikim narapela man o mekim planti samting tumas taim yu trening, orait dats (darts) em i gem bilong yu.

Dispela em i wanpela as we yu bai lukim planti ol dat pilaia em ol bikpela manmeri.

Ol i nogat masol o bikpela strong na spit long pilai dispela gem, ol i save sanap tasol, makim na tromoi.

Em tasol.

Trening tu em i wankain.

Tasol dats em i no wanpela gem bilong ol bikpela manmeri na ol manmeri husat i no laik long pilai ol arapela gem.

Em i gem bilong olgeta manmeri husat i laik traime.

### Histri bilong gem

I gat bilip olsem namba wan dat gem tru i bin kamap long 1870's long Inglen (England).

Em i wanpela gem we i stat namel long ol manmeri husat i save go bung long ples bilong dring.

Gem i stat wantaim ol soldia husat i save karim ol spia bilong ol i go wantaim long pilai.

Ol i save lusim bunara bilong ol na tromoi ol spia wantaim han bilong ol nating.

Bihain, ol i save katim ol spia bilong ol na mekim i go sotpela inap long tromoi wantaim han long dispela gem tasol.

Ol i save sanapim as bilong wanpela dis o baket na tromoi ol spia bilong ol long en.

Bihain long dispela, ol i save katim as bilong ol diwai na taim em i drai, i save gat ol ring i stap raunim, na ol i save tromoi dat bilong ol long dispela.

Namba wan man long mekim wanpela gutpela dat bod tru em, Brian Gamlin long 1896.

Dispela bod i olsem bod we olgeta dat gem i save yusim tete.

Em i gat namba i stat long wan i go inap long 20, i raunim.

I gat wanwan mak insait long dat bod we yu bai kisim poin long en taim yu tromoi dat bilong yu i go long dispela hap.

### Stail na loa bilong pilai

Dat em i gem we wanwan pilaia bai salensim ol yet.

Tupela pilaia i save salens insait long wanpela gem.

Long pilai, wanwan pilaia mas i gat tripela dat bilong em yet.

Taim em i laik pilai, em i mas sanap baksait long wanpela mak long graun inap tu mita (2m) longwe long dat bod.

Long hap, yu mas tromoi dispela tripela dat bilong yu i go long dat bod long traime na kisim poin long winim narapela pilaia.

Yu bai holim ol dat long wanpela han na tromoi wanwan bilong ol wantaim narapela han bilong yu.

Olgeta manmeri mas sanap baksait long man i pilai bilong wanem dat i ken sutim ol sapos em i paitim bod krangki na i kalap i kam bek o pilaia i abrus long sutim bod.

Dispela em i wanpela as tu olgeta pilaia i mas werim su long karamapim lek bilong ol.

Em i gem we i save kamap insait long haus o bilding o bikpela rum olsem na ol pilaia i save bilas gut taim ol i kamap long pilai.

### Dats long PNG

Mama asosiesen bilong dats insait long wol em Wol Dats Federesen (World Darts Federation o WDF) tasol em i no wanpela Olimpik spot.

Long Papua Niugini, dats i stap aninit long PNG Darts Federation (PNGDF).

Em i no wanpela bikpela spot tumas long PNG tasol i bin gat planti tonamen bilong en i save kamap namel long 1990's.

Planti ol klap i stap yet na ol nesanel sempionsip i save kamap olgeta yia.


Dats i olsem snuka we i nogat planti hatwok long kamapim tasol i mas i gat ol gutpela manmeri stap long lukautim na ronim gut.

Ol i mas i gat wanpela gutpela ples tasol olsem klap haus wantaim ol gutpela dat bod na spes bilong pilai.


Olsem mi tok pinis, em i spot we planti ol bikpela manmeri save laik pilai bilong wanem ol i no inap long hatwok long ron i go i kam o kikim bal i mekim kain ol samting olsem.

Tasol dispela i no min olsem ol yangpela tu i noken pilai, em i spot tasol na olgeta i ken pilai sapos ol i laik.

Yu mas i gat tasol tripela gutpela dat na lainim gut long makim na tromoi go long bod long kisim gutpela poin.



POIN: I gat ples bilong kisim poin antap long dat bod.



MAK: I gat ples na mak bilong sanap na pilai.



DAT: Wanwan pilaia bai tromoi tripela dat.



TROMOI: Wanpela pilai tromoi dat bilong em.



# Williams mas bihainim Hindmarsh

SAPOS i gat wanpela pilaia insait long NRL we ol yangpela pilaia i mas bihainim, dispela man em Nathan Hindmarsh bilong Parramatta Eels.

Em i no save malolo long wanpela gem na olgeta pilai bilong em i save gat wankain strong na pawa, maski tim bilong em i win o lus.

Olgeta NRL pilaia i gat gutpela save na strong bilong pilai, olgeta i save trening hat tru na olgeta i save laik long win.

Tasol i no olgeta i gat dispela hangre bilong win, we i olsem

paia i lait insait long ai bilong ol.

Dispela kain hangre bilong pilai na win em i wanpela samting we i save mekim Hindmarsh i wanpela strongpela pilaia tru insait long NRL na ragbi lig wantaim.

Hindmarsh i bin holim rekot olsem man husat i mekim moa takol insait long wanpela gem.

Em i bin mekim 75 takol insait long wanpela gem, dispela i klostu olsem em i mekim wanpela takol insait long wanwan minit bilong gem.

I gat bilip tu olsem, em i

namba wan pilaia long mekim 10, 000 takol insait long NRL.

Daily Telegraph niuspepa bilong Australia i ripot olsem Hindmarsh i ron wantaim bal 4,183 taim inap long 31,895 mita olgeta insait long NRL pinis.

"Em i wanpela man husat i soim hamas wok yumi ol man inap long mekim insait long wanpela gem," Eels kosa, Stephen Kearny i tok.

Hindmarsh i gat bikipela lewa tru long pilai gem bilong em na dispela em i nambawan samting we olgeta pi-

laia insait long kain strongpela gem olsem ragbi lig i mas gat.

Wanpela man husat ol i bilip i mas bihainim gutpela piksa bilong Hindmarsh em Sonny Bill Williams.

Williams i laik kam bek long ragbi lig tasol em i toke em laik pilai agensim wanpela strongpela pilaia insait long gem.

Kearney i tok SBW em i wanpela gutpela pilaia na i noken tingting tasol long kisim bikipela mani tasol i mas tingting tu long gutpela sindaun na laip bilong em insait long gem.



**Toksave i go aut long Namba 31 PNA Opisals Miting na Namba 7 PNA Ministerial Miting, Makim Namba 30 Anivesari bilong ol Pati i sainim Nauru Agrimen (PNA), na Selebretim Namba 1 Wol Tuna De We bai kamap long Alotau, Milen Be Provins**

**Het Tok: "Strong long Pasin Wokbung Wantaim"**

**Konfrens Ples: Edukesen Milen Be Konprens Senta (Epril 23 – Me 02 2012)**

**Ko-fanding i kam long Nesenel Piseris Atoriti na Opis long ol Pati i sainim Nauru Agrimen, na i wokbung wantaim Ministri bilong Piseris na Marin Risoses na Nesenel Piseris Bod.**

**Tok Orait i kam long:**

**Sylvester B. Pokajam**

**Siaman bilong PNA na Menesing Dairekta, Nesenel Piseris Atoriti**



## SPOTS DRO RAUN 6

### FRAIDE GEMS: EPRIL 6, 2012



**Toyota Stadium**

Sharks V<sup>s</sup> Dragons



**Hunter Stadium**

Knights V<sup>s</sup> Eels



### SARERE GEMS: EPRIL 7, 2012



**Skilled Park**

Titans V<sup>s</sup> Roosters



**ANZ Stadium**

Rabbitohs V<sup>s</sup> Bulldogs



**SF Stadium**

W/Tigers V<sup>s</sup> Broncos



### SANDE GEMS: EPRIL 8, 2012



**Canberra Stadium**

Raiders V<sup>s</sup> Warriors



**Brookvale Oval**

Sea Eagles V<sup>s</sup> Panthers



### MANDE GEM: EPRIL 9, 2012



**Dairy Farmers Stadium**

Cowboys V<sup>s</sup> Storm



### Raun 5 Poin Leda

	Tim	W	L	D	B	+/-	Pts
1.	Storm	4	0	0	0	48	10
2.	Bulldogs	3	1	0	0	43	8
3.	Broncos	3	1	0	0	24	8
4.	Dragons	3	1	0	0	20	6
5.	Panthers	2	2	0	0	7	4
6.	Warriors	2	2	0	0	-1	4
7.	Raiders	2	2	0	0	-8	4
8.	Cowboys	2	2	0	0	1	4
9.	Knights	2	2	0	0	-2	4
10.	Sea Eagles	2	2	0	0	-3	4
11.	Sharks	2	2	0	0	-4	4
12.	Roosters	2	2	0	0	-6	4
13.	Rabbitohs	1	3	0	0	-10	2
14.	Titans	1	3	0	0	-18	2
15.	W/Tigers	1	3	0	0	-27	2
16.	Eels	0	4	0	0	-64	0

# Olimpik sans bagarap

Andrew Molen i raitim

SANS bilong nesenel soka tim bilong ol meri long Papua Niugini long go insait long Olimpik Gems dispela yia, i bagarap bihain long ol i lusim namba tu gem bilong ol agensim Nu Silan long Mosbi long Trinde dispela wik.

Nu Silan i daunin PNG 7-0 we i wanpela gol sot long 8-0 win bilong ol las wik long namba wan gem bilong ol long Nu Silan yet.

PNG no bin inap long skoa agensim Nu Silan husat ol i kam wantaim strongpela tingting long win na ol i soim dispela insait long gem bilong ol.

Nu Silan nau bai go long Olimpik Gems we bai kamap long Julai long London.



SALENS: Linah Honeakii (raithan) bilong PNG i traim long pasim Betsy Hassett bilong Nu Silan long gem bilong ol long Trinde. POTO: Andrew Molen.

## Harabe bai go long Olimpiks

Andrew Molen i raitim

TIMOTHY Harabe em namba tu Paralimpik etlti bilong Papua Niugini husat bai go long Olimpik Gems long London dispela yia.

Em bai wanpela man tasol long makim PNG long pawa lifting bilong ol Paralimpik pilaia.

Namba wan paralimpik etlti long makim PNG em Francis Kompaon long etltiks husat i bin winim silva medol long Beijing long 2008.

PNG Paralimpik komiti tokaut long nem bilong Harabe bihain long ol i kisim toksave i kam long Menesa bilong intanesenel paralimpik Komiti (IPC), sutting na wilwil sia danis spots, Athena Charitaki.

Harabe, 36 krismas bilong

Komo Magarima i lektoret long Hela provins, i stap namba 29 ples long wol i nsait long 75kg divisen, we em i bin winim long 2010 Komonwelt Gems long i ndia.

Pawalifting em i wanpela long 20 spots bilong Paralimpiks we bai kamap i nsait long London Olimpik Gems dispela yia.

Presiden bilong PNG Paralimpik Komiti, Bernard Chan, i tok dispela em i gutpela nius bilong PNG bilong wanem em i namba wan taim bilong wanpela PNG pilaia long kwalifai stret na go i nsat wantaim gutpela rekot.

Harabe bai makim Osenia tu long dispela spot bilong wanem PNG em i wanpela kantri tasol we i gat pawalifting i nsait long Paralimpik Gems.



TRENING: Harabe (sindaun) wantaim kosa bilong em, Jeffery Robby soim amamas bilong ol bihain long wanpela trening bilong ol long Mosbi. POTO: PNG Paralympic Committee.

## Kikboksa kamap ragbi pilaia...

i kam long bek pes..

I gat 28 pilaia long tim we ol i kisim bihain long ol i pilai traeli gem long las tripela wik.

"Mipela i stat wantaim 52 pilaia na katim i kam daun long 28.

"Dispela tim i gat planti ol nupela na olupela pilaia wantaim we bai lukim ol i bungim ekspirien na yut bilong ol insait long gem," Guru i tok.

Tim i amamas tu long holim bek sampela ol sinia pilaia olsem Eki Ene, Elijah Riyong, Josiah Abavu, Bobby Mori, Sebastian Pandia na ol arapela olsem.

Senta bilong Hela Wigmen long 2011, Larsen Marabe tu i kam insait long

tim dispela yia na bai putim sampela strong long atek bilong ol.

"Ol pilaia i save stap long Mosbi tasol olgeta i kam long wanwan ples na provins insait long kantri tasol olgeta pilai olsem wanpela tim tasol aninit long nem bilong Vipers.

"Mipela i amamas long tokaut olsem dispela i soim tru pasin bilong bung na stap gut wantaim," em i tok.

Vipers skwat bilong dispela yia em: Josiah Abavu, Richard Kambo, Atte Bina Wabo, Bobby Mori, Adam Korave, Enoch Maki, Stargroth Amean, Israel Eliab, Samuel Koim, Larsen Marabe, Sebastian Pandia, Noel Joel, Elijah Riyong, Peter Paulus, Dick Nap,

Tony Dai, Timothy John, Toua Kohu, Kevin Frank, Roger Laka, Leroy Kume, Steven Johns, Stanley Torato, Eki Ene, Sebulon Ragi Jr, Philip Kumiye, Timothy Komane na McKendry Kandi.

Guru i tok tu olsem Stop 'N' Shop i amamas long kam bek gen olsem mama sponsa bilong ol Vipers.

Stop 'N' Shop, we i wanpela bikpela supa maket stua insait long Mosbi, i tok ol i luksave na i amamas long Vipers olsem tim we i save karim tru nem bilong Mosbi siti insait long dispela bikpela resis.

Guru i tok em i no isi long wanpela man, meri o kampani sponsaim wanpela tim bilong wanem em i kos

bikpela mani, tasol Stop 'N' Shop i soim bilip long tim na ol i amamas long dispela sapot.

Dispela bai namba tri yia bilong Stop 'N' Shop olsem mama sponsa bilong tim na ol i bilip tim i gat planti moa gutpela samting long insait long gem bilong ol.

Kos bilong ronim klap i wok long go antap na nau ol i save putim K800, 000 long lukautim tim long wanpela yia tasol.

Vipers i no nupela long ragbi lig long dispela level, na ol i soim ol sponsa na sapota bilong ol long las yia olsem ol i ken mekim gut yia bihain long ol i pinis long semi final resis long 2011.

Menesmen i bilip, tim bai go antap moa yet wan

SPOT RAUN  
WANTAIM  
Scott Vavine, ML



## Wok redi bilong ol Provinsol tim – i gat taim yet o nogat?

Mi lukim olsem planti ol provins bai kamapim ol provinsol gem bilong ol long namba tu hap bilong dispela yia.

Dispela i tokim mi wanpela samting – ol bai nogat inap taim long bungim na kisim ol tim bilong ol i go insait long wanpela gutpela trening kem na redi long 2012 PNG Gems we bai kamap long Kokopo long Novemba.

Planti ol provins i nogat inap ol manmeri stap long mekim ol dispela wok long redim tim hariap long kain liklik taim olsem.

Sapos yu tingim bek long laspela PNG Gems long 2009, bai yu lukim olsem yu i gat tripela yia long stretim na redim tim bilong yu long pilai dispela yia.

Long 2010 inap nau, em i bikpela taim bilong yu long mekim olgeta samting na redim gut tim bilong yu.

Yu bin mekim wanem long dispela taim i stap?

Wanem samting i asua na yu no mekim dispela ol wok?

Mi bilip olsem planti ol provins i nogat ol gutpela save manmeri bilong luksave na redim ol tim bilong ol gut.

Inap long ol i ken makim wanpela opisa long lukluk long ol wok redi bilong tim tasol.

Wok bilong dispela man o meri em i ken long lukluk tasol long kamapim ol plen na ol wok redi bilong tim.

Mi lukim olsem planti ol provins i wok long mekim ol samting long las minit tasol.

Sampela i tok olsem ol i nogat mani long statim ol wok bilong ol hariap na sampela i tok ol distrik gavman bilong ol i no save givim gutpela sapot long ol.

Tasol wanem kain samting ol provins i tok we i pasim ol long wok hariap, mi laik tok olsem mani em i no wanpela samting tasol we bai givim olgeta samting long yu.

Sapos wanpela man o meri gat gutpela tingting we God i givim em, na yusim long statim wanpela wok, ol arapela samting bai bihainim tasol.

Long mekim dispela, yu ken kisim wanpela gutpela teknikal man o meri long statim wanpela wok na ol arapela bai bihainim.

Na bai yu painim dispela kain ol teknikal manmeri long we?

Yu lukluk raun tasol na bai yu painim, ol i no save stap hait.

I gat ol arapela manmeri na ogenaisesen i stap we yu ken i go na askim ol long helpim yu.

Ol opisa bilong PNG Spots Faundesen i stap long olgeta provins na ol i ken helpim yu gut tu.

Ol samting we yu inap long mekim long 2010 bihain long 2009 PNG Gems em, yu nap long sekim ol asua na hevi bilong 2009 na stretim o mekim sampela gutpela senis.

Kisim olgeta distrik bilong yu long bihainim ol dispela wok stretim na senis na kamapim tingting long ronim ol distrik na provinsol gem.

Long 2011, kamapim ol distrik na provinsol gem bilong yu yet na makim ol skwat bilong yu na kisim ol i go insait long ol trening kem.

Yu ken yusim dispela taim tu long putim askim bilong yu i go long kisim helpim bilong mani na arapela risos long lukautim na ronim tim.

I gat ol arapela wok we yu ken lukluk long en o mekim tu.

Long dispela yia, yu mas lukluk tasol long pinisim ol liklik wok bilong redim tim na lukluk tasol long go long pilai long Kokopo.

Tingim, i mas i gat wanpela man i go pas long olgeta samting long namba wan taim yet inap long taim tim i go long pilai.



## Kikboksa kamap ragbi pilaia

Vipers kisim em long skwat

**Andrew Molen i raitim**

ekspiriens na sinia pilaia i stap tu. Menesmen bilong Vipers i bilip olsem dispela bai kamapim gutpela wok-bung namel long ol nupela na olpela pilaia na i kamapim nupela kain stail bilong gem we bai nap long strongim ol. Long Mande dispela wik, siaman bilong Vipers, Sudhir Guru i tokaut long nem bilong ol pilaia husat bai stap insait long tim dispela yia.

*Moa long Pes 31.*

**NUPELA tim bilong ol Vipers i planti ol nupela pes insait long en, tasol long wankan taim planti ol**

## CARPENTERS MOTORS Introdusim

**DIAMOND CLASS VEHICLES**

- SETIFAIID KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA \*Kondisens bai aplain
- OL SAVE TEKNISEN BAI SEVISIM KAR BILONG YU
- IGAT 20 POINT MEKENIKOL SEK

**9.9% FAINANS long ol DIAMOND CLASS VEHICLES \*Kondisens bai aplain!**

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com